

書

夢陔堂詩集卷四十二目錄
古今體詩一百六首

夢陔堂詩集卷四十二

江都黃承吉謙牧

枕上聽雨短歌

風差差雨絲絲一庭中有幾萬絲絲飄入園中池魚
銜拖水絡索銜着花開又花落朝銜暮亦銜秋雨春亦
雨記得春時雨中語如此風光奈何許奈何許今幾時
跣踣不可定煙花散迷離浮瀾積歲月百態空中馳空
中馳雨中逐逐去空庭雨翻覆害得蕭騷那風竹不聽
蕭騷那能宿

白門送諸友人赴試金陵因而成感

白門楊柳劇婆娑太息韶年幾度過往事關身塵去遠
後時看客水流多千間廊繞秋風市九曲溪連夜月歌
欲與寄愁愁已隔半生雲樹一江波

處暑日作

方當絺綌時已着棉衣襖祇是不應涼莫怪秋風早

白露日浴

稍覺風吹習涼天浴尚宜解衣輕躑躅拭輓小淋漓候
晚溫難度身衰怯不支漸寒無暑逼覆水意遲遲

蘊生近館岑氏久不相見感而懷之

舊時思室遠今奈益迢迢館舍雖清淑家門竟寂寥一

身看力盡百事憶魂消望久秋風裏停雲卻又飄

八月十日書興

東齋西齋處處香新桂舊桂株株芳蕩漾空中幾風力
盤旋樹上一秋光此身堪與醞釀久終日但覺接掌長
直爲攀緣更作興淹畱總在山之堂

苦雨

夏深纔種穀翻覆又秋陰正以方乾嘆奚爲忽滯淫及
時偏靳昔有澤未宜今況復農夫外生涯總不禁

題後園櫻桃

子舊屋櫻桃一株遷居移來園中而園西牆角

有臺瑩以偏偈木瓜下種樹輒不活最後植以
此株雖凋悴恒有生意竟二十年去歲購得後
園移之今乃大茂喜其鬱極而舒爲之題句

他樹不耐屈此株今乃伸譬如遷谷鳥非復向隅人自
昔兩三葉從茲千百春筠籠已收拾待爾結頻頻

又題一絕

竭來思舊每傷神看爾婆娑似故人二十四年題未到
可知衫袖老風塵

賞桂園中忽見桃花紅白各放數枝

太和噓植遠秋氣亦春光底露分溫肅將風互色香鴈

來驚半誤蜂採怨雙忙惟有閒蝴蝶翻欣入夢長

多年

多年頗覺厭尊鱸老至難言尙遠圖日日青燈隨處有
星星白髮幾時無臯夔事業蒼生重游夏文章大義殊
出對陳編思往昔欲將何射答桑弧

中秋卽興

寂歷佳辰興不張入園偏喜桂猶芳魚將晚荇蹙沉水
蝶與秋花欹上牆方欲倚欄斜雨度忽看穿牖小禽翔
西風趁着閒吟客吹得新詩習習涼

秋冷

獨白看蘿薜雲垂客不過透簾風隙滿牽雷雨行多紙
壓書猶亂衣添體未和卽看庭樹影消息已婆娑

聖臺偶詢文藝卽興示之

若爲千峯與萬瀾燈前聊此說槃桓文從字順元來好
句斷行疎別一看曠世經猷聞達異極天詞藻是非難
儒生百事參離合但有微疑未許安

秋齋坐雨適讀毛詩楚辭等書漫成四絕句

一字絲抽一繭清文章不繹不分明從來若解關雎序

便是尼山雅頌情

詩大序自上以風化下至故曰風句
分言正風自至于王道衰至先王之

澤句分言變風從來誤解風刺二字是以不明此
與下投閣沉淵二句俱明於子所著正揚論中

律與詩篇隔不多宮商一迭一難和辭中卽有音聲在

季子能聽魯國歌

楚臣文采徹秋高那共尋常較一毛投閣沉淵千古事
幾人空讀反離騷

與由風律性情生文是聲音訓詁成周召教爲詩教學
聖言爭得不權衡

觀人圍棋

一生能事讓諸君看奕渾如未見聞直爲盈虧都莫解
祇餘黑白也聊分雲煙滿袖經千劫風雨孤燈對兩軍
設局是真收是幻幾曾柯爛有仙羣

八月廿八日蘭卿觀察招集載酒堂祀漁洋先生
生日會者十六人各賦五律四首限六魚七陽
十五刪十一真等韻

濟嶽分靈秀詞壇盛 國初風流舊司李月旦老尙書
意氣都籠罩注哇總廢除 世隆材大雅卓越有誰如
草堂星散落一出照吾鄉才合江南著詩成日下揚那
非遺政績不獨繫文章最是甘棠意斯城竟綠楊

萬里輜軒道銜 恩數往還名高增跋涉風好絕躋攀
南海虞翻宅西川白帝山彩毫連隼翼飛到不能閒
感葉吟秋柳看枝賦冶春關心曾歲月壽世益精神故

實徵年譜清商接覽辰使君親藻潔無愧後來人

丁小研比部招同徐松泉侍御秦敦夫太史張劔

泉觀察宴集團中

秋興亦不輟雨餘深桂芳因芳雨益來就芳坐徜徉四
面麝蘭氣一堂燈燭光淺深樹可見遠近石相望想農
恐歉收念河虞潰防閒居厘民瘼悱曲熙時康庖鮮實
充盈少飲狷不狂衣棉警歲序瑤席驟已涼有風感宋
玉無月待謝莊蟋蟀了不鳴尊鱸固經營興言各遠矚
立起飛數觴寒暑日相代規始孰較量行當適霽悅景
物彌昭昌

東齋枇杷一株移植後園已有生意

一息關生理爭禁異地遷葉垂猶瑟縮陰覆已連絲欲
灌濃經雨將籠遠企煙漸知來歲實箇箇看渠圓

梅叔玉岑小江歸自金陵以試文見示翼日諸君
當有陸續至者喜而賦詩

宛然丹桂在蓬萊

後園名

正返仙人到日開諸鳳引苞連

竹上幾蜂銜蜜帶花回今朝鼎足先誇飽我客鼈頭總
占來欲譜霓裳須十隊好看同入上春臺

枇杷旋又不活

舊移三樹已全枯顧此纏絲又一株良久尙憐生意在

竭來真使倖心無憂將夢轉難爲憶腐到魂消不可呼
前日幾回攀折看低昂綠葉爲誰敷

園中落一木瓜

夜聞庭院響着地一聲空忽漫呼童看擎來是木公觚
稜斜正裏臭味有無中欲永平生好持將望未窮

情

輾轉復紆餘隨風疾又徐入將何間隙飄到幾空虛亂
簇平生往深銜靜夜居卻緣知識徧悔殺太牽渠

諸君自金陵試歸告以各郡多有人見詢近狀感
作

夢隱堂詩集 卷四十二
此身非喜住煙蘿漸覺衰臨鬢已皤書怕難成長日少
詩貪速就短篇多心空壯志銷仍悔誼淺微名震亦訛
翻愧道旁人問說某君林下近如何

對雞冠花偶作

秋來緩步測花叢小覺昂藏亦化工此種誰吟當夜月
幾人偏笑不春風相逢有約蛩鳴外獨立無聲葉落中
時序寂寥身煜爛肯教霜色太虛空

又玩後園雞冠花

點點胭脂簇簇霞如何此色遜春華秋天自被霜侵曉
莫道相催是此花

飽聽西風樹上音一番來又一番吟飛凰品格家禽狀
豔客容顏處士心

一種名百鳥朝鳳最美麗

吟殘

吟殘一瞥路漫漫夢到清溪與碧巒萬頃樓臺何處入
全輪日月幾回看此金此玉相輝遠非竹非絲欲譜難
聽遍羽人多少曲醒來惟覺五更寒

小猫甫能行步遽至竹齋戲作

重門曲曲路深迴么眇如何何得來宛似入幃成熟徑
欵然牽竹上高臺一時偶覺堪遊戲此種方爲絕忌猜
生小莫言無點識也知人喜不蹲開

夢陽堂詩集 卷四十二
多時不聞兜率院鐘

寺僧貧到不敲鐘
翹首空餘寂寞風
往日布金多少地
而今飛錫有無宮
音塵俗耳秋茫昧
消息禪心夜渺濛
自禮維摩還上閣
照龕贏得一燈紅

又聞園中落二木瓜

消息全憑箇裏知
木瓜今落了然時
雙雙忽亞窗前地
一一頻虛樹上枝
正覺清堅惟汝匹
漫言酸澀與予宜
幾回空谷音相賞
更引茶香笑握持

秋夜曲

霜寒兮月白
月被霜兮有迹
月白兮風清
風着月兮成

聲風霜月兮無情人帶月兮情生人與月兮何秋帶風
霜兮秋縈秋風兮與月弄秋霜兮不歇人弄月兮滿懷
霜弄人兮上髮鴻鴈兮悠悠見白髮兮驚秋鴈何方兮
不到水何時兮不流望迺雲兮天末訴離別于九州秋
緒兮茫茫極山高兮水長遊子歸兮歎息行人踐兮秋
霜既渺渺兮不見又絲絲兮夜如線聽促織兮蛩鳴罷
中宵兮言寔將欲使秋月不沉秋風不作秋霜不飛秋
花不落看滿樹之霜痕早風亭而月閣思往昔兮無奈
何對百物兮感秋多撫年華兮坐自夕覩洲渚兮空煙
波

和人詠算盤

簇珠連日夜聲響市分明有間隨心入無涯信手成狹
應增少廣圓亦就方程斫卻王戎棗雕來更覺平

和人詠古瑟

雷威一琴匠遺蹟尙千年況此雲和出希聲那不傳鳳
原供作柱魚亦應調弦若解論三歎餘音在越邊

壁上多有蝸牛就題其側

雨餘侵幌入濕濕仰空懸傍爾微廬舍耕予小硯田返
躬伸故縮具體曲能圓一種原頭角從來在睫前

和人詠茶船

採蓮人去艤紛紜消息餘香席上聞畫鷁早臨明月渚
翠旗春泛武夷君一身顛倒空舟楫到處溫涼盡水雲
最憶煮鐺清話客幾番印涉感離羣

夜吟

詩愁不並立有隙便趨吟逐日難爲況當風總是音破
除聊詠物參錯自隨心夜夜輸陳迹今宵又一今

不倦

此身常不倦遲臥早能興年齒雖相逼精神卻可勝久
調孤竹管未燼一書燈總作春融看誰言雪鬢增

望月

數去年年都是月，叵曾多少月。當人梅花玉笛纔三弄，竹葉金樽又一巡。底覺聽砧容易見，不堪登隴再來陳。清波苦憶江頭白，寒到深宵第幾輪。

夢裏

夢裏空回又五更，杜鵑聽去一聲聲。非煙非霧成何境，如哭如歌竟此生。遊子涉裳絲久爛，慈親倚戶木俱平。極天悔恨天無極，祇是連天不了情。

獨處

獨處知無對，因非別有人。竹邊惟歲月，花外卽風塵。不解琴俱妙，能來鳥自馴。相親連草色，芳意與爲鄰。

閒秋書興

落葉秋之色，那須盡掃開。詩多閒不去，樹久熟將來。遇物嗟何事，看身愛此才。衰年無白髮，偏費曉霜猜。

重陽前一日卽興

滿目霜華拂鴈毛，禁寒小立共兒曹。一池秋水原春水，幾樹紅桃乍碧桃。節序道遲偏覺早，心神如倦卻猶豪。欲攜明日登臨去，畢竟龍山那處高。

重陽

滿城風竟入百計，雨難辭鴻雁不成影。茱萸空滿枝，望暉心去遠。思酒日移遲，莫惱黃花溼。將來上接籬。

題宋秋南處士書畫遺蹟

乙未秋有未識之宋君香巢介題先世像照輒
應之意謂恒習比櫝至乃影卷外兼書畫冊手
蹟展之則愕然斂異其書規效大令永興已入
神理寫飛植乃直合拍趙錢而以醞語託其蘭
芳葭白吐霜吸露之況令人可思載睇清標宜
乎落穆矣時歷譽沈文孫滋戚爰為二詠並就
其辭錄之將以示後想見其人則香巢雖未見
其如覲已

適到王家勁到虞等閒畱得幾行書分明鶴立仙人在

誰道清貧骨不如

畫意詩情總要空不兼虛實不能通無端韻出含毫外
翻覺南田尙俗工

畫卷中詩語五則

宋賢

秋風蘆葦頭如雪唯我與爾如是夫

蘆花白頭翁

秋初變

天氣涼爽一日讀左穀文陶謝詩畫蘭道術家所謂

不喫煙火食同一快活也

蘭花

自成野癖同幽晚誰可

貞心悟隱微

菊花

似參羽化成仙術幾轉泥丸若大還

物性無如此高潔唵風吸露老空山

柳蟬

學錢舜舉畫

許久不能每好強為之真如射者之失正鵠也

稻穗秋蟲

寒鴉行

風高百樹聲齶齶空中萬點來寒鴉鴉來到此不爽約
年年似看冬梅花梅花那與鴉相接詩意隨人等閒涉
我自看梅又聽鴉一身祇覺風吹葉一番風色鴉啼來
一番風光梅放開年華萬物誰不管莫道鴉飛非上梅
側身窅渺觀無際日在元枵冰在地滿處蓼蓼臘鼓催
歡騰擊出凌兢意急切原非一籟聲蕭條但見千家氣
川澤竭老山而童四時人物相始終發舒斂束一生理
寒梅吐雪鴉吹風爭槐奪柳誰庭院歲歲年年看鴉戰
刷陣都將鴈掃空堆整卻把雲摧變未必今鴉是昔鴉

只愁昔見還今見雪是因梅到處多鴉聲噪雪意如何
滿頭添上無窮雪物自消融我不磨

小金山訪靈根上人未值

昔聞有開士獨守荒屠廡無事不入郭有錢惟買書積
軸堆滿案力討如吾徒作詩遺佛前常與經卷俱後來
聞此僧移向招提居本非自欲至時人起牽裾亦復未
覲識但聽名相呼去年借公來老步須人扶此僧正掖
侍側竦坐一隅退讓不敢言唯諾勝我儒雖然交臂近
更覺對面疎煙波時往還每行經彼廬蒹葭隔秋水不
問人與蘆今茲木蓮花開在僧前除僧花兩並好遂謁

蓮花趺意謂必相值豈知翻更殊徘徊叩踪跡又入前
菰蒲歸來不知候我去僧歸乎登山一覽觀鳧鴈飛滿
湖碧樹間紅葉一日幾畫圖我懷實寂寞立久彌空虛
良無必然志所以還舟艫

九日蘭卿觀察招集蜀岡登高各賦七言古詩六

首卽以九日蜀岡登高爲韻

澄空萬里煙光明芙蓉落盡金葩生巖桂猶開山菊放
滿天鴻雁秋多情正值豐年歌大有家家共酌茱萸酒
絳囊繫臂房插頭那不超騰對重九

金風玉露含清律淡沲秋容好秋日商聲迸出泉磬音

蹙起游魚瓠巴瑟白衣人影柴門外亦有龍山競高會
使君乘興逐颺遊吹落人人帽都醉

廣陵地脈通西蜀又道岡名實爲獨盤雲一線向空橫
正覺形容迤而轟滿湖湖水迴清瀾繞城綠遍垂楊灣
登臺引領一長睽遙見潤州無數山

峴山昔日多風景碧幢紅旆時時領南樓中有起避人
少住相畱度千頃祗今促席飛百觴任開笑口遊人狂
援蘿降葛與同樂騁懷絕勝孫陵岡

三公祠宇丹霞昇載酒堂中層復層何人直躡巔頂上
鸞吟鶴嘯如孫登使君笑把黃花看益壽延年香不散

嘉名長久自古宜與客高歌各縣算

秋風曩昔慈恩塔峯光騷壇旗鼓合使君樹幟今東南
竹箭同排一峯踏諸君筆妙窮秋毫我亦側聳同題糕
後來故事傳吾曹卽看隼翼青雲高

九月十日書興

樹色頻催換今看綻幾叢多時子嫩綠一旦女貞紅數
鳥夕煙外獨花秋草中似聞蛩響意漸識已霜風

和人詠印色

潤色文章貴香泥液不如五雲蒸蔚出六節顯揚餘染
上秋鴻鴈膠成古鯉魚有時難署着翻轉一吹噓

九月十五日內人六十生忌悲而成章

星三轉矣汝日遠矣歲三反矣子日短矣子亟亟兮汝
恤恤兮不汝能極兮子植植兮汝特特兮不我能陟兮
山之窳兮水之滄兮徘徊之日于何桑兮石之搏兮羽
之段兮飄搖之木于何灌兮所以齊均惟其順兮所以
矩秩惟其倫兮生閭閻兮死恣恣兮子有親兮惟汝之
肫兮汝有子兮繫我之纒邈兮身之櫛枿其不可知兮
道之媿惡孰能遺兮生不言兮死何諱兮我心匪席實
縣縣兮人之壽兮天之候兮禾之秀兮箇籥之籥兮時
之爽兮汝周一甲兮我之不迪俾汝不浹兮禮有終兮

心不可窮兮急遽掩搏撫我躬兮

是夕月

無愁偏少月有月正當愁物我相趨避人天一去畱分
明池上石澄澈樹邊樓可耐逢今夕姮娥錯浪遊

九月十七日招劉孟瞻梅蘊生萬袖石王西御句

生吳熙載潘小江諸君同集且齋袖石爲畫一

經授子圖

我室異彩咸來臻一客一客如家珍琅玕片葉不易得
何況網盡珊瑚菌高秋園有獨賞致滿庭碎菊鋪成茵
相招正爲自然好一洗繁縟空芳塵就中萬子善寫貌

八聲眼中第一推無倫添毫縱謂比太遠近代亦似曾波

臣曾摹我友一兩輩訝其肖極反過身祇緣身悴後減
色君能體出前精神我生面目逐時有兼秋兼夏兼冬
春根心四達非可飾一筆難合晞與頤多年爲此不輕
狀獨任自影存吾真萬君新交未測識但見對客顏溫
淳相逢就此請一試居然笑靨揚烏巾梧桐一株石一
簇風花片片來無垠人看今我我昔舊自慚老鐵經多
輪生兒苦晚難見長尙賴有隻能延親傳經但令分一
席亦足伴我餘昏晨他年能讀曷可必姑使帖畢如其
伸此身絲緒續到彼青氈裏着無緇磷當前如此正可

夢陳言詩集卷四十一
樂銜盃不覺心起振假如布几合獨誦豈不鶴和無由
陳時草創畫稿後復增以二鶴畫師之畫實動人卽看僕媪皆啟脣
諸君異日勗吾子莫忘今宵添酒巡

自觀小照又作

從來面目未相親忽漫看吾是此身能老荷天資歲月
不衰憑客羨精神一生總愧倫常淺百種難言見地真
贏得撫窗空教子問渠他日定成人

戲和人詠耳

執牛將玉載過馬作風翻回回欣噪鵲處處感啼猿仙
姝底決牖詩人猶屬垣箏琶一片響時俗百端言

邇年絕未置菊頃見遺根長茁碎枝滿地繆連蔓
衍一任自然感之成詠

小園隨意作芳菲借問黃花是也非欲與傲霜偏日淺
卽看呈露亦風微蘼蕪一片香何處葛藟多時客未歸
最憶從前秋興好年年滿植對清輝

喜楚楨領鄉薦

歸鄉纔幾日今已捷音來往返徒勞耳低昂亦快哉葦
茗情易遣磚影兆先開近喜身舒健堪登百丈臺

君新得一

古磚又聞君近在湖上見蘆葦成茂甚致感慨時遽歸就館約聞報卽復來郡

偶見揚州畫舫錄憶李艾塘

夢陽堂詩集卷四十二
此卷看成四十春當時我輩劇情親而今風味如君少
笑拚鬚髯望着人

因憶艾塘觸想當時是局同聚諸君感不自勝更

成絕句十二首

家秋平文暘

聲譽文場老斲輪相逢六十故恂恂傾心弱冠如兄弟
祇是忘年愛學人

江鄭堂藩

四海知名意氣多酒酣心熱口懸河獎成後進殷如渴
盛饌畱人與琢磨

焦里堂循

身世湖邊隴畝青一生質樸只窮經頭圈舌咬言雖戲
想見冥心索解形甲寅鄉試時同人以咬鬚將舌捺
得意用頭圈二語諢其談學之態

鍾葆期襄

家風郭裏對園田君居廣儲門城下
其地名爲園田呐呐當門手一編

每見丹黃堪笑殺幾行空紙待文填君每作詩文先于
紙稿連圈未作之

句然後
再作

徐心仲復

陋巷談經辯不休自家都說任呼牛猛然熟得開方法
儘削黃楊作算籌君以談學好辯人呼之曰徐牛學開
方一日忽悟輒以其館中已萎之黃

夢阿堂詩集 卷四十二
楊木遍作算
籌致同人

李濱石鍾泗

便旋行步想夷猶
蘊藉清狂第一流
談到目空心濶處
見人來側便低頭

汪芝泉光熾

多病偏爭詣出羣
乍研經傳復攻文
寒瘁久欬談心得
努着聲聲斷續聞

吳山尊齋

文章揮霍騁風流
日日貧中費酒籌
最憶賒螯祈客飲
逐家奔似說諸侯
君多畱同人飲後住九峯園一日貫得巨蟹自入城邀客多以遠不願赴

君逐戶極力
堅約始去

汪孝嬰萊

情味蕭疎意渺緜
逗他躑躅便談天
醉來嘔噦都風韻
宛轉低垂不離筵

趙劔南廷樞

七尺魁梧吐納工
絕無酣態飲如虹
日晡往往將壺榼
笑引經生說異同

汪叔震光烜

池亭修潔主人閒
逐日吾儕聚訟間
一卷清詞誰得似
飲泉惟有服春山
君詞與汪飲泉齊名著有春山詞飲泉獨心折之

自感

年齒差肩幾輩行不應予作魯靈光多年獨自繙書帙
百度相思望夕陽

霜降尙未聞鴈

莫是今秋鴈不來不然中道又飛回如何夜影都沈絕
不見秋心一觸開有信寄將蘆荻岸無聲催到菊花杯
多時不作衡陽客卻戀秋風在五臺

秋晚

頻來蹙縮引虛空切切涼深候不同鶴警定聞何葉露
鵲移偏覺那枝風催衣朔氣生絲縷截竹商聲在管箏

莫道關山容易別年年節序待征鴻

河南糧鹽道缺出當予選任以時未赴部已爲後

次者銓得都中友以書來告並促後駕賦詩寄

答成六十韻

委質平生則遭逢競欲前君恩良許報臣職本宜宣

引領三春日披襟萬里天自圖新出谷敢說舊歸阡卻
憶蹉跎事遙成蹙縮緣抱疴凡幾度失學已多沿稻隔
慚崔父砂遺愧葛仙種花遐漠漠行藥近茭茭井汙慚
修綆弓疎笑弛弦再呈鷄索淬重駕馬須鞭淹蹇曾嫌
鹿升騰最喜鱸相如消渴愈涓濁俯愚填曩歲營治篋

嚴冬卜啟駟彈冠胥就整挫鞿早形圓卷帙教朋貯門
間屬婦肩辭家將率爾命僕屢欣然豈料堂飛鵬無端
樹集鴟數尋傾玉案一霎斷膠絃睫轉分屯坎神離錯
闕堅悼亡情孔迫撫幼計難全統絕身嗟瓠魚枯理喻
筌路臨回阮籍槎在緩張騫倏忽星霜改追惟齒髮遷
暫畱徒問舍長望每依躔腹飽風雲橐胸盈雨露堦立
翔期羽翮邁往待山川遠札俄爭至中州次合銓選人
超後格羣友落空箋爲惜膏腴地兼司斥鹵權諷規詞
婉約策勵語殷拳瘁射辜弧矢庭餐誤几筵捫心躬實
悼相骨影奚憐同業公卿盛當時侶輩賢未翹都脫穎

枝蕨弗遺椽懿雅子連牒輕肥昔少年緝絲辰定命藜
火乙陳編介憤紛紜告高箱焜燿還象苞遑等鳳章服
宛叨蟬激切泥塗感低徊壤域牽崧高何挺卓洛繹儼
迴旋物阜周王國原豐鄭圃田俗承莘召永政接楚吳
緜挽粟迎畿駛通蹇轄豫便卽看循角亢藉可識伊瀟
夢寐勞茲想聲名爽詎傳對衡彌竦躍詣 闕偶逾延
跡似楊仁讓階非杜父懸飄颻郎白首屈屐士華顛室
廛孤雛悴庭餘小草鮮沉浮紆戚黨進退杳班聯適已
稀雙鬢榮親闈九泉道途誇采綬湖海戀青氈漸老千
思減加憂百疢纏蹀淫秋怯步腸潏夜妨眠隕越今滋

夢隱堂詩集 卷四十二
三
恐安排或跂痊有孚仍迭筮况瘁不申篇斯世容寬假
微材免蝕腹駑駘終犗靳缶鬲固陶甄水睇南溟外霄
懷北斗邊折麻因致客嘉誼與銘鐫

九月廿二日招同人玩菊席上感作

清秋作意幾軒騰每欲忘情卻未能無興有人偏送菊
入宵呼僕也張燈看花態逐枝枝彩憶客心生處處稜
兄弟舊歡朋友樂分明步障一層層

因事至西鄉丁家窪

忽漫忽忽草舍過野人雞黍具么麼三秋楊柳綠陰少
一路石楠紅子多每愛田園居未得卻來車馬意如何

生憎適興難從已布鞵青鞵語是訛

夢趙宗庭道士

甲寅赴試金陵與汪芝泉春山徐心仲同寓石
丈山房庭中一石高幾二尋芝泉素識宗庭每
來相聚今事隔四十載昨夜忽夢宗庭於城闈
羽冠珠珮向予索一詩云將去送白玉蟾辭甚
恍惚予因詢及石丈則云半已損落殊無是理
信乎其夢境也亦可異矣

頻年詩思隔煙蘿曠絕三芝五色禾清寐忽逢乘蹻至
舊遊偏似步虛過溯來塵榻星何渺話到蘧廬石已磨

同舍祇今無一在那將孤曲唱兜羅

與聖臺魯泉談藝即與喻之

我生琴未學偏識古時彈去響千揮易留聲一撥難銀
河天不落碧海地相安浩汗流須轉波波斷是瀾

齋中觀張桂巖畫

曉起命僮懸一畫偶然將出是張君卅年不見思當日
盃墨濃開亂灑雲作尉江南身已老看山塞北影誰羣

從來能事辛勤得莫道丹青易著聞

先岳嘗言曾于山海關外見桂巖獨

白席地對山摹狀

永夕

永夕秋還夕三秋夕更秋宛然聞葉下忽似聽泉流繞
砌偏幽咽浮空一習颺為言鴻雁濶聲已在滄洲

望遠

冷落音書遠秋風繫帛回若教無鴈到未必有霜來

和人詠火箸

刺燼投原易籌烘借不難熱教一處合冷作兩邊看
靜軒廉訪重遊泮水自為四律同人皆依韻賀之
入校剛逢志學年羨君才慧早翩然人看玉樹三珠窟
士繞芹香半壁田幾度上丁儕盛事重來周甲記前緣
一衿軻轍關非細為到天衢益仔肩

策駿行驄起佩珂江山持節屢經過詞曹獻納文章貴
儒術宣揚政績多鳳翽九霄騰采澤鸞和百驛助高歌
蓬瀛出入輝光甚比似神仙即大羅

回首黔途數崕岫歸來景物舊如新還瞻日月成間福
更引林泉作主人鄉里漫傳耆友會書生原耐久吟身
十年我亦青鞵共遍遍看花谷口津

日色曛曛曉未稀靈光一矗返朝暉曾紆壯翼披霓舞

又轉童顏挾錦飛丹桂遠迎千卷閣真州學宮尊經閣
庭中植桂最盛

白沙清入萬山磯於今飲泮真難老願祝生徒好冀希

暮秋雜成絕句六首

一種如何擅出羣半宜閨閣半從軍而今 盛世無斯
作儘着風流讓兩君觀太白龍標七言絕句偶作

漠漠空波遠汨馳高秋獨坐向誰思迴腸忽似從前路

憶到湘江九轉時秋思

當年角譽此文場幾度朝陽又夕陽今日不勝情景在

一牆名影一池塘過梅花書院

一堂花影簇燈前欲寫難勝態萬千翻使壁端消受得

更無鑿刻似當年觀菊影憶與靜齋南厓昔有此詠

續續心情草草休猛將拋去猛將留幾年消息今猶在

倚遍殘生舊案頭曩燼餘詩稿尚有可補緝者輒披理之

夢隱堂詩集 卷四十一
此身無夜不眠殘一枕
斷愁欲狀難最是青燈
搖曳影
向人如話又如看
臥醒

贈客

品流君自遠遺俗那孤
彈狷至非狂目同深或
異看古
人才望別中道止行難
最是身堪遣平生一釣
竿

偶興

草堂無客過獨影向秋
風忽漫看人在吟秋立
畫中

觀友人鷓鴣天詞

底事教人行不得自從
聽爾不曾行何人唱起
關山曲
一片三湘夢裏聲

夢隱堂詩集卷四十三目錄

古今體詩六十首

夢陔堂詩集卷四十三

江都黃承吉謙牧

春水曲

春水碧迢迢何方思寂寥垂楊非一處處總魂消
行
人隔夜凌波遠欲語烟中路深晚滿地花飛襯白雲
一
天鴻影風吹轉坐客本來今紆迴況有心落梅非是笛
流水不關琴欲將心事分月說鸚鵡聲聲亂饒舌除是
相逢落葉時無人不道芳菲

三月三日蘭卿觀察招集東園修禊各賦七律二
首

嘉韶此節趁宜人幽賞今年合禊辰曲水又叨三日會

天香早占十分春今年每序較已放簫管迎雲吭風

影樓臺漾錦鱗剛愛雨晴林似木臨流不止益精神

客醉攀筵起戀依使君新朝光輝行登岱嶽千山小

尚待皇華四牡肥君將於夏令赴山東都轉之任舊侶即今還絡繹勝

遊何地不芳菲來春祓濯詩須寄莫遣拳蘭遠和稀

且齋夕興三首

無那金風玉宇高一庭烟月興偏豪秋花滿地如絲縷

聽取聲聲絡緯繅

雲影天光帶柳絲月明香入桂邊池憑欄祇覺身消受

更有誰如此一時

前年種柳不曾長說道明年綴幾行今日柳枝拖到地

為他絲緒換時光

居然池歌

前年後園所鑿池深九尺養魚數百而蓄水滲

耗雖池而未池也今則水滿一泓苔長數尺蘋

藻深入雜花亂交居然池矣聊以名之使後之

人知予且其齋竟其山而又居然其池也

且齋且勿歌請歌居然池眼中居然許多事我今當池

一見之小鳥居然樂雜花居然佳楊柳居然長率地蝴

蝶居然飛滿階樓臺幻忽烟雲繞滿空何物何蘋藻一
傍銀河便號槎纔臨碧海偏稱島居然復居然神山何
處邊蓬瀛恍惚一池水遊魚不到波中天我欲效仙人
將山縮作一卷石池上居然有峯碧且齋供養多少年
飛起雲巒一千尺

憶舊時行路

別來途路幾春秋忽漫經行此日休山色問人何處去
客心知水一般流浮雲遠峽淒迷夢落月前宵汗漫遊
聽到櫓搖車轂轉不勝情事猛回頭

書興

兒女雙携手不開添牽復有外孫來花前花後齊跳舞
衣短衣長各翦裁儘着看他三兩個再能扶我幾千回
還騎竹馬忽忽去轉眼相逢不是孩

四月二日湖上作

碧色天連草相於水共清鳥從詩裏度雲在畫中行簫
管何年事樓臺到處情廢餘無磔在閒話極生平

五日小金山寺前觀競渡

茲遊非一人欲渡心皆同相同遂相並盡至湖當中左
側權撥水右邊漿凌風明明逐鷗鷺暗暗驚蛟龍鱗
四面會彩幟飄虛空低昂不一象絢素非兩容平來似

夢陔堂詩集 卷四十三 三
舒翼疾去如張弓前艦踞壯健後艚懸兒童士女聽鉦
鼓丁夫載笮籠放鶩馳遠標衝波恣雄鋒步伍合進退
止伐分西東喧闐各快意擾攘胥和衷揮汗不厭倦劬
筋無停慵貴人爭賜賞愚賤歡哈從輿情動今古弔屈
無成功樓臺半銜日林叢方度鐘興闕忽已散沿溪多
芙蓉

丙申七夕蘊生見過且齋句生隨至乃約賦詩

七夕年年總慣經邇來怕說女牛星其如客至逢今日
那不宵留敝舊櫺銀漢眼中何處望玉簫心外一時聽
有情還是天難老看到人都不醉醒

是夕感又成歌

自家情事如逝波懷人更覺感慨多幾回有酒却不飲
無酒于今當奈何丈夫相逢各老少誰能猛進無蹉跎
佳辰令節自古有風光正要人消磨瑤堂畫席鸚鵡螺
當前趁有絲竹歌樂莫樂兮往時過君不見三月三七
月七想到程公李公是何日一身搖蕩花裏風暮齒中
年兩都失靜軒廉訪每七夕輒張畫屏宴客蘭卿觀
察每令節必宴客自上巳集後遂不復再
園中夜宿值桂花盛放

浣花樓下桂花香花滿樓欄香滿牀拂去夢中猶噴鼻
覺來風外一迴腸芳華逐處何人問臭味多年此地嘗

偏與月明無點隔數株飄入廣寒長

為蘊生作詩序畢感賦貽之

忽漫交君十五年回頭逐步憶因緣座中客換知多少
席上燈消到幾千怪底琴尊元似舊為誰花鳥不如前
他時汝更思今日白髮清秋著此篇

八月四日與吳麗白暨孟瞻蘊生句生琴言兒子

必慶同飲金谷園酒肆

是夕七人聚金谷一人一人遞添續無端造此飲咄嗟
似甕相循從版築由來世上隨時興非有非無自連屬
若教未挈數子同豈不都成一獨秋光正好尋巖桂

此地無花不解馥如何偏覺有香來臭味相投萬般足
談詩亦復為餘事開口清風自然穆一間小屋坐苔痕
那識苔岑此中簇尋常行處忽至斯間作琴樽膝聊促
祇餘相值論古今若箇文章重金玉青雲干呂各自吹
白日過駒等閒蹴夕禽飛上酒家樓看我狂歌飽捫腹
就中啞啞汪吳在不讀多書勝於讀兩君敦行自守經
豈必翻細覆卷軸一杯濁酒閒看菽抵著羅珍載百斛
此情此境誰得知彷彿從前竹林竹吾兒七歲能聽文
所以今宵許同局異時倘作故事看記取池邊此間屋
題蘊生所得唐節度副使田侁墓誌石

蘊生考釋謂去冬河夫築隄取土叢葬之所坎
深及泉得甕遂獲四石今得之於灣頭鎮運河
邊山光寺西原輦而藏之將買土築墳題石表
志云云

淮南在昔唐重鎮大都督府王遙治近憑長史理一切
往往節度兼領之副使又副副大使入陣擊攬當熊貔
彎弧長劔擅勁絕以其官職原如斯大歷中年易總管
命陳少遊統厥司將兵邊納討希烈亞旅宜合諸軍馳
才高詞美請入幕七擒百勝揮星旗其人其事既已往
無復知有爲何誰田君姓字不見史一官原弗皆編垂

從來寥落失著顯雖有金石奚能爲戎行勦力在官死
田君葬在城東陞當時道梗不得返撫棺極望涇瀾瀾
生前震耀一朝畢正邱狐首情堪悲夫人同逝又無子
山邱華屋旋興衰咫尺佳城况泯滅更無人過相追惟
牛蹄犬跡雜兔走但看百輩墳纍纍幽光在彼不終闕
九原亦或希揚眉秦磚漢瓦尙縝栗何況珉質堅難虧
山光門前臥兩石一石一蓋如雄雌千年入土且十尺
陵谷頗似移高卑新從地底欵翻出隄役掘作當其基
不旁不網正獲此抑何大巧愚人施梅生嗜古適有癖
茱萸灣去非遊嬉突然窺見訝奇寶購以狂態驅如癡

舉歸剡剔仔細讀一爲副使田公碑一爲夫人合窆石
文字筆畫胥唐遺唐碑此地不多覲文存石毀庸稱奇
顏書三絕本摹勒石幢祇贖陀羅尼崔圓李珣政聲遠
頌關節使今湮夷灞陵雖有從事讚亦復無器存其辭
田君兩石盡完好習坎反是剛中時不落他人落梅手
意者所謂神扶持惜哉晚出三十載錯過 纂定唐文
期假令先歸一網入久已貢獻珊瑚枝循名責實要可
許田君是否賢難知旁人比到汲長孺一語可定君妍
媼梅生買地輒欲墓不管兩石離其尸石能載彼死不
朽勝列馬虎人羊歆贊賢臨灣兩坊署今茲宛在途非

歧中間歷遍衆攻守幾輩爵祿君肩差鼎鐘湮沒竟何
處不如此筆參軍摘參軍桑儲人不識但覺入紙如墳
簾數行揮翰足永久那數百萬轅門師文人只此逞一
快千秋得譽何嫌遲倚雲臨水依舊穩墓成我去添藩
籬清樽奠酌一杯酒亦足寄我遙相思高齋從此費紙
墨一搗萬本人爭貽已將初搗先贈我得不佐汝傳之
詩

八月四日夕齋感興二首

月影初臨屋角斜小僮來側正添茶一聲切響驚相問
又是今年落木瓜

此身雖健老難持已似春蠶四月時若爲腹中桑可惜
留將再吐十年絲

揚俗中秋競寶塔燈頃率兒女外孫觀弄戲爲詩

令歌之

寶塔燈高九層層層望汝向上登燈馬來馬流轉轉轉
看他向燈暖舅七歲甥四齡今夕張燈張不停汝愛張
我愛率待汝携兒看燈日

秋夜

不復聞蟬咽涼生更滿衣昔心何石轉秋夢此雲飛獨
自關岑寂無人識隱微寄言蘆荻外消息鴈聲非

池上觀秋海棠有作

低頭一瞥笑羅敷幾許風流艷色殊繞地夕塵孤在苒
對人秋思兩踟躕何來鴈影偏無那爲底蛩聲却又徂
獨自看花難贈答欲談須倩小僮扶

園中兩山歌

前園之山白石鑿飄然屹立風當中後園山是土壤成
蜿蜒築勢欹長虹前山比後若五嶽後山較前猶附庸
秀靈質樸總山耳雖然實異名相同大凡循名不責實
往往等譽消金銅兩山呈用各有適自合一視非通融
前山觀者輒讚歎謂其一顧凡巖空後山迤邐略眺觀

望見屋外鄰家松我今足跡不出戶不能補看恒華嵩
園中賸有兩山在亦復緩步遊西東何嘗實有山氣象
不過侈口張其雄從來遠蹟不在大在乎主守身從容
昔年宦粵愛挺拔屢盼卓筆蓮華峯觀其天矯絕比附
頗似獨立能直躬山靈一別三十載此時知我成老翁
眼前說山莫憶彼且上山去看花叢後人若解含孕別
兩山千古名無窮

酬程玉才先生見贈之作時延主西席

擘將鸞錦玩鴻裁多謝青眸向俗開魚目那驚盤走去
龍文翻羨鼎扛來三千隱約尼山旨五十紆餘大雅材

趁欲白頭叨問字驅車應到草元臺

當前模範有誰同寶幹偏勞屈就弓博學東家胡溧水
英才北面馬扶風高山祇益吾人仰堅木何從弟子攻
澣露讀詩彌竊幸芷蘭知在瓣香中

秋花

種種連庭院相於整復斜一番佳意味無奈是秋花

八月十四夜月下有懷

月色載芳行碎花霏滿身秋情鬱滉瀆百物澄無垠草
木倏已邁生意歸深淳清切雲飛過瞻矚方爲春於以
見性初亦云葆其真海若嘯百川決然銷多塵側足聽

寒律飄颻眩凌晨渺渺湖鴻鴈沿流況搖薪嚶鳴時調
和菽穀彌具陳大化在寥廓太平感深仁晴天玩元氣
非是對蕭辰惓惓情何處應爲此夕人

登梵覺寺萬佛樓

我相連人相周遭總不遮輝光衆宮殿聳擢一泥沙面
面藏優鉢層層轉法華虛空無住着雨墜萬般花

中秋日携慶兒出遊

童心愛嬉玩幾時盼中秋是日旣停讀安能不携遊催
餐早出門到處思勾留告之向東園遂去無停休趨投
四五里疾行步步流七歲已善行自謂如驂騮斯言適

足笑已見園中秋晚桂纔含英儘看無香浮晴曦映朗
徹白石連雲道窗櫺正未施四面風光收流連憶往事
吾心念朋儔是日感蘭卿小
研別有文記之還入閣部祠細藥亦未稠

小子見神像却坐諮原由如何此俎豆曷以當松楸循
碑聽家書歛顏皺眉頭良久論古昔居然意綢繆夕陽
遽已斜促歸弗夷猶途間我默詠腹稟難雕鏤一以記
遊歷一以思貽謀還家輒寫成付子聊相酬

中秋夜由且齋步入前園

宛轉清池一片明蕭疎晚意洽芳情風光得水蘋纔見
月影非巖桂不成逐步往來秋色遠隨遊去住夕心平

夢隱堂詩集卷四十三
天邊正有乘槎客應覺涼從玉宇生

汪鶴模自歛來揚相見索予詩集時九月七日雨中以滿城風雨句為轆轤體遂贈其行兼寄里

中諸詩人

滿城風雨近重陽忽有人來自故鄉欲把詩篇何處去天都峯外白雲旁

兀坐霜天鬢老蒼滿城風雨近重陽年來對客情都減讓着黃花儘白黃

瞥眼秋光容易暮淒清但覺時來去滿城風雨近重陽那不逢人吟此句

詩人幾輩定相望望汝新詩載一囊相見料應談此日滿城風雨近重陽

丙申重九池上兒子索詩

千枝白領一枝紅時芙蓉開狀如此淡裏憐渠着點濃記取與

兒今日事池邊曉立看芙蓉

重九梵覺寺萬佛樓上應慶兒請作

步步隨來總索吟似將文字抵黃金有兒却又添詩債欠汝描摹幾許心

朝來池上詠芙蓉歛爾斜陽在鷺峯禮遍恒河沙數佛生天只是一人逢

子一經授子圖是去年九月中旬所畫今倏又當
此日向圖覆視不禁成歌

生不能學神仙乘鸞突兀上九都拂雲轉身向蓬壺虛
空往來路渺漠少年空讀金丹書不能習作丹青神化
襄 郅治公卿簇着談經濟脫鳥歸來瞬白頭不曾更
與蒼生事吾廬促膝在苒隨春風達亦不達窮非窮低
頭黃雀自飲啗有何粟粒酬蒼穹有腰不能負米供親
在時飯當時反受親芻豢風木多年恨已枯無人拍手
空長歎雲移日往相逢任我情自然衆波流中一涓涓
八紘九埏盡何處蒼茫但見齊州烟朦朧夢見蒙莊叟

說道天公遇我厚一生饋餽飽足長不飢何如周從潤
轍之魚覓升斗人言老蚌生珠遲古來賢達猶無兒琴
書寂寞恍惚不可見有時茁得似是美玉藍田姿分明
秀目清疎眉後來瓊礫安可知縱然元將雅度誰見之
竭來話與湘川道羨殺風光舊時好眼中負却蒼梧陽
朔多少山海不生逢當日早曾不知漢水邊波中淚流
數十年年年洲鷓化杜鵑此身縮到蠶紙之中依稀課
詩禮猛然讀去當笙一哭聲彌天忽復顧影私相憐眼
看蒼顏偃息臨流撫案原是我太息平生事多左何處
逢楊說路歧誰能信佛談因果噫吁嘻姑安坐君不見

夢陽堂詩集卷四十三
我家晉墳唐墓無傾墮世世相傳皆負荷久已千秋明德著馨香付與弱息承肩非瑣瑣此圖懸挂春復秋坐來一看一回頭兩人相對不問亦不答惟有繩牀粉壁互聽風颼颼我何樂兮君何愁人生白髮可以休白雲暫且從子遊驀欲將胸中萬態徑作一筆畫古來無此傳神顧陸張僧繇

九月十五日是內人生忌夕成一絕

日落相思情不禁一年一觸一回心今省若使卿猶在不向池邊獨自吟

明月生憎食幾分

是夜月食

看渠蕭索最憐君廣寒清夕無

人問一點相隨只白雲

夜立池上

天光人影佇情遲獨倚池欄景更隨水豁透雲雙朶朶月明穿柳一絲絲清秋與夜相深境小病和衰欲合時莫謂傲霜消息遠籬邊已見菊花枝

送吳儷伯歸里

斯人不得意歸去復何之兩地無家室將兒欲付誰思多憐別苦資短願行遲

君以兼陸費稍重反就紆緩水途

最是心冲達

看君未蹙眉

蓼園且齋凡十桂自立秋已放迨今霜降後十日

猶有一樹乍花與玉岑琴言吳竹書繆仲昭同賞

消受常消息人休樹不休早遲分爽籟終始作香秋白露知何意黃花在下頭小兒還欲折珍重一枝留

臥聽

臥聽雞聲久天明耐汝催夜添嫌日減夢去惱情來鴈外霜千點鴉邊葉一堆隔牀思得到何用目睜開

霜曉

霜華了不散悵望含餘盈滿地皆秋色此時希鳥聲烟雲隨日短草木共懷平為憶當春立相看今異情

子終日獨坐竹齋積二十年矣作此以書其興

日日當窗讀窗明徑總開竹滋還伐去花減又移來畫巘連雲愜屏松隔鳥猜若將禪悅喻此壁面多回

題金耐軒珠陰草堂讀書圖

課花閣裏子十三時樓亭先生邀童時課五十年交今

幾箇全椒學博舊龍門牽率文章等閒作看君簪花泮水遊見君納采戎衙賀君贅遊擊署中與君意氣總相親忽忽

駒光一生過君懷玉匱竟久藏我抱錐囊亦中挫儒生遭遇聽適然祇索書香遠揚播昔年君住珠湖陰咫尺鮫輝繞牀座難兄共被相與勤慈母施奠不容惰及今

夢陶堂詩集 卷四十三 四
追憶境模糊極目鄉雲意無那
遠年聊作近日看
畫出青壇此中坐
披圖惟我知君心
顧影無如嗟老大
回頭蕭瑟兩人同
激切君歌我難和

桐樹

桐樹欲參天天邊
梧子懸待看高百尺
一遠一年年

秋夜辭

秋風滿地草不枯
草長不用鶯相呼
一鳴一聲秋蟪蛄
繞牀近在庭東隅
風吹過庭草脚躪
遠人流落何江湖
東歸道路西舳艫
寒星一天浸菰蒲
滿空唼呷飛水鳥
花開一涯水一區
願言今夕與子居
左有玳瑁後有珠

借問消息今何如
安得鴻雁寄一書
坐令朝夕皆歡娛
無人知道芳華疎

對鏡感作

驀然相對感形神
今昔含情兩未申
認熟千回身是若
吟殘百狀爾何人
功名有客從旁笑
時俗無風在下陳
欲藉酡顏消歲月
邇來清滑不沾脣
看人卓犖態分明
顧我誰令坐自驚
教子祇餘何日效
著書難必此翁成
仔肩百事容俄頃
回首多情剩一生
贏得滿前稱父執
欲辭無奈雪千莖

燈下校讀外舅江公閣注文鈔感作

夢隱堂詩集 卷四十三 五
傾耳遙傳天上音高風拔地本千尋林泉晚節登臨遠
臺閣平生抱負深翦燭不勝今夕耀叩絃無奈往時沉
寂寥情事殷勤德併觸心酸掩袂吟

秋暮題半瀾池上

白石白雲相向浮黃花黃葉不勝秋雲移逐日紛牽眼
葉落隨風亂打頭晚節又看今歲盡舊園還賸老夫遊
小池漫說多年涸却帶虛空逝水流

信鼠行

偶於食肆見有鼠數百頭跳踉埒柵間競啗人
棄餘血物調習不避問其故謂日間以此飼之

夜則市味雜陳厨竈鼠絕不顧葢暗與之約從
未有一鼠失信者脫有人斃鼠則罰之相沿如
是異之爲作信鼠行

鼠忽來鼠忽去去去來來鼠無數見鼠迴環不知故問
其故知其然與鼠不約約更堅晝與鼠食夜鼠眠夜眠
豈不飢晝日人飼之晝已受人飼夜飢復何辭若欲夜
飽食晝飼人奚爲殘膏賸血朝朝滿衆鼠爭餐人不管
向夕庖厨盡露張鼠斲不問宵長短異哉人之棄取鼠
得知鼠之信義誰教之誰能教人如教鼠誰能似鼠真
肝腑鼠旣去鼠不來晝無疑忌夜不猜開誠向鼠鼠亦

夢陶堂詩集 卷四十三
開嗚呼開誠向鼠鼠竟開鼠能晝食夜不來

題朱震伯臨流賦詩圖

登高能賦客偏覺愛臨流陶令歸來興君奚委去留相
深在中沚不繫與扁舟最是滄浪遠無人獨唱酬

題谷嘯林危渡倖生

當舸一葦徑衝波忽漫中流喚奈何涉險那愁終不濟
祇緣君已濟人多君精醫

我憶湘灘浩汗情全家急切幾回驚而今就裏看翻覆
回首江天浪不平

殘菊

人澹菊應爾菊殘人亦然那堪人與菊相對此霜天

題齋中書案

子多年讀書竹齋撫一螺鈿長案與之悲愉寒
燠相習已久對之情如故人因爲題詠此案鏤
松竹梅爲歲寒之契正今日相要之意爾

廿年依倚足神交刻入寒盟共漆膠終日肘生非是柳
一時身繫不關匏攬餘鐵硯無窮字積得韋編未了爻
隱几漫言今昔異興來長藉與推敲

湖上觀漁

汀氣滿寒空鴉啼夕照中樹黃沙葦白罾黑水霞紅寂

寘餘烟景繁華隔錦叢卽今寥濶望當日倚簾櫳

夢陔堂詩集卷四十四目錄

古今體詩八十一首

夢陔堂詩集卷四十四

江都黃承吉謙牧

過亡友徐心仲舊居憶之成詩

徐君性強心光明觀君幾事知生平小時習農書在手
兄令牧牛棄牛走身傭忽受焦君知問業不肯呼焦師
小病從人集考膳闈中食盡投白卷爲談句股鬱不舒
典衣出門買筭書一心好學無餘擾樸儒風味如君少
壯健誰令忽損傷身亡卻累妻顛倒阿兄給妻賣豪家
君魂附妻大喧譁宛然猶是君氣槩眼看妻死神盤擎
妻賢自刃可憐死不愧君身好男子嗚呼我謂君妻作

用奇態貌聲音託君耳甲寅鄉試與子同寓子每出場必頭牌至第三場子出而君已先在訝其故則曰考食火肘雞鳴已食完遂繳白卷出也初不之信及貼出果然其風味如此餘事見漢學師承記

江藩漢學師承記一則

徐復字心仲江都人本農家子少孤喜讀書其兄使之牧乃棄牛而逃至郡西僧寺為供灑掃餬口暇則誦讀一日焦孝廉循憩寺中大奇之為之延譽為鄉塾童子師未幾補諸生遂從事於經史之學甲寅省試與黃君承吉同寓黃君詰以九章算法不能答以為恥典衣購筭書歸未及一年弧三角之正弧垂弧

次形矢較諸法皆能言其所以然矣著有論語疏證後得虛損疾沒後無子婦歸南鄉其兄鬻為土豪妻而婦不知也詎以上塚賺至豪家忽舉止異常行狀聲音宛如心仲指豪大呼曰汝何人敢買我妻為妾乎婦遂仆地其兄遁去俄頃婦醒遽入廚取厨刀自刎死

觀某某二公集中自書事蹟感作

燈前卷帙任摩挲近代風流前輩多品地淵微逾俗甚性天礪刻奈君何偏將典籍論經濟所貴儒生養太和言是心聲千古則觀渠一事已知他

一編

一編朝暮不知年自覺惺忪態宛然得句偶忘還復覓
著書忽誤又重研隙駒向我爭長短布鵠隨人角後先
窮到更無行跡候滿天星宿共雲連

觀漁洋憶明湖詩感獨舊遊敬懷和圃夫子

清波一艇舊曾通繞遍煙阡水陌中楊柳亂欹高下繖
蓮花深轉曲斜弓初停驛路山逾碧欲駕征車酒又紅
回憶浴沂三日住炎天吹得是春風

古意

絲布難縫十指柔寄來絃管感驚秋認是車音良久聽

依然聲在灞橋頭

休洗紅邊緣又黃阿阿灘上折篙忙微情已敘還衷曲

惆悵冬風夜度娘

久坐

坐久燈頻燼更深遠遲人不知何意味祇覺別精神霧
迴樓藏屨藜低郭走魏崎嶇今世路相遇且逡巡

子詩舊多燬失頃孟瞻檢得效江文通擬古四首

見還屬以編入續集漫作謝之

去鴻飛落那江關多謝尋持一羽還好似舊珠重徙得
將他留住壓嶺山

夢陶堂詩集 卷四十四 三
同人集齋中分得效江文通擬古四首

飛鳥出叢薄相和流遠天苟有同心士明明斯不愆嘉
時屬懿德俊又屢周旋草榮異腐芥魚躍或升淵堅白
亮有歸虛已實待賢靜言守法度永懷無間然秋來橘
成熟安問桃李鮮屏營慎自保撫躬靡變遷

陳思王贈友

斗杓四面指昏旦大火中寒暑迭進退離雲還朔風萍
藻滿江湖驚濤激何窮摩空有黃鶴翩翩向西東一逐

青田上翻飛難再逢

阮嗣宗詠懷

振蓬思何窮零雨歎靡已擾擾波濤張紛紛鵝鸛起東
南樓船卒西北羽林子猛鷲併一觀齊疾效衆使意氣

顧自雄功名肯輕委亦有寥落人嚴冬歌虎兇後列隱
迢遙先驅旣爰止雪灑雲旗翻風逐霜戈倚慘淡惜華
年慨忼惟素趾寸心難可道悲笳徒入耳

鮑明遠戎行

光華白日生候序屢迴復遐情寄無涯及此豫心目吹
籟信鼓棹望旂隨轉轂際浦紛蕪青連岡鬱叢綠藉或
相娛嬉聊以緩徵逐動植皆我與賓從領清淑孚化實
已資闡性非外屬載想壺邱言逍遙庶冥穆

殷東陽興矚

且齋夜況

翦燭臨閒圃宵來似息機菊殘添影澹梧撼減聲希渚
鴈風中去池魚月下歸誰知深屋裏別自有柴扉

晚出西榭題詩寄遠

星河搖曳曙光秋，鴻鴈西飛天影流。
冷落一簾湘竹水，相思不斷淺深愁。
鴛鴦鏡裏同心字，烏鵲聲中明月樓。
若爲至今無別恨，知子長共故人遊。

贈賣筆劉叟

憶識子時河之濱，滿牀堆臥衆璘珣。
風催夢醒上車速，吹落此花多少塵。
白雪寫沾千古妙，青雲握荷九霄春。
相與出囊重把臂，衣邊五色有精神。

向夕懷人

迢遞青雲隴上頭，懷人千里思悠悠。
賦詩有客朝元閣，

對宇誰家望省樓。舉世功名鞭可慕，前途轍跡矢難留。
日斜自玩桑榆景，不向東隅盼遠收。

懷琴言海州

多少新交縞紵間，一年遊屨未曾還。
城闌浪遠秦封石，洞壑風高孔望山。
水浸池鹽新澤澤，近以新章北鹽增益池產花彈

巖錦舊斑斑。故人觸目看鴻去，便到滄波也不閒。

譚君恕亭爲予往歛，歷視先塋，還揚述話感作

空勞父老說青烏，自覺微躬負毓濡。
奕世祇成名未立，清門那見德能符。
瀧岡有恨難爲表，麟閣無功不可圖。
望斷先疇惟一哭，此生今已到桑榆。

與家人話舊遂至園中題壁

一片風光繞着吾欲懷難記
歲年徂落人麗綺花多少
照屋纏綿月有無春老戲殘
千種蝶樹高巢過百番鳥
曲樓深轉雲如舊髮鬢前蹤
是畫圖

宵望

開簾磊落乍明星彷彿塵消
露氣零欲雨又晴三反覆
將愁忽喜四調停嵇康曠達
身憂患傅奕矜嚴意渺冥
人在白雲仙可學幾時心向
道中醒

夜黑

不染雲如墨登臨曠亦遮蚊
雷喧作雨螢火照看花鳥

鵲迷千樹星河隔幾槎溽餘
思解洩瀟爽透風紗

曉起入園見雪

小山微雪似霜鋪鋪上寒梅
又碧梧卻語奚童休掃去
讓他消息影模糊

忽夢身在山中間鷓鴣呼行不得醒成一絕句

回首湘江唱竹枝爲他曾續
短長詞而今夢裏都難着
爭奈當年白日時

舊曲陽關聽有情雪溪腸斷
不分明鷓鴣天地聲聲疊
引去淒迷向五更

孟瞻蘊生句生久約見過未果卽與懷之

夢阿室言集 卷四十四
欲遊不遊無與偕忽復自顧園中佳滿庭樹葉黃撼撼
一砌天竺紅指指窗空透徹碧玻朗雲巖畫閣當軒排
終年着我在此坐木脫更見玲瓏皆蕭疎景物映几席
霜氣直入連堂階凌寒有竹散復整稱情久已顏吾齋
端居不出境已好底用外陟穿青鞵風光但引卽成句
不愁無地安詩懷主人自謂興不淺又歎歛默無詆諧
家中亦有二兩客未能角藝忘形骸我所思兮在何許
犄角盡隔三條街相邀本說待明月及至當月連陰霾
黃花已過不見賞人遲非怪物理乖何嘗葭水在城巷
不洄不溯皆天涯大凡身外遠不近惟有一影長吾儕

相於共聽鴉噪雪誰言不若鶯啾啾翻憐此日三數子
箇箇一室居如蝸

僊人行

曳輪而上山不如乘鱸而濟川江中何人往來便旋下
弄海水上行不周崑崙餐食玉醴逍遙千年千年千秋
浮沉悠悠弱羽短翩翩飛上流若木之尾不如搏桑之
頭前行後趨循環兔鳥去來一何夷猶何以來何以去
兔無翅飛鴉無足步近無遠取美無惡妬男兒有足不
如行路行至東行至西靈芝瑞草長遍九埏僊人乘躡
遊目前往來不絕如雲連

冬日題池邊桃樹

生憎霧鬢與雲鬟寂寞清池水一灣今日教誰和白雪
世人將汝泥紅顏春風幾處繁華塢夜月無蹤冷淡山
最是多情難解憶舊時曾望武林關

閒窗二首

閒窗竟日影徘徊息息風光獨自猜得句每愁無處着
懷人空盼有時來書雲跡瘦鴻千點掃地聲輕葉一堆
老去未堪心寂寞欲從寒序望花開

滿空雲樹迴參差沙漠黃昏獨思時不飲那償前醉酒
多吟難補舊焚詩平生有味耽鄉曲往事無言問水湄

祇是著書長未了與天聊作假年期

箒上觀洪鈐菴遺詩感作

鈐菴以科名顯生平篤學邃經工文詞所作多
可傳以中道卒徂未及哀輯蓋存者或寡頃於
篋中檢得見貽舊箒所書乃在敝齋宴集分韻
之作今已十年喜其詞之俊美而人琴之感撫
物滋深恐其湮失因攄臆成詩而並以存君詩
俾觀者共賞之爾

回首蹢躅幾十春羨君風格本嶙峋平生交誼兼三友
舉世科名第一人 朶殿簪纓花氣象崑山詩酒玉精

夢陽先生詩集卷四十四
神聯吟尙有佳篇在更與千秋望絕塵

丁亥小春集春谷觀察齋中分得嶺字

洪瑩

雲鶴霜雕稱冬景摩空直向孤松嶺求友真難得友
聲放懷莫負良宵永觀梅人自說揚州淮水星河光
耿耿萬樹猶遲雪裏花一庭已散窗前影座中都是
燕臺客夕憩滄江朝畫省度曲紅牙信手敲抽簪白
髮時心警屣屨瑤箋刻燭催何必他題試更請金谷
春深桃李園銀餅秋老梧桐井祇今有景足懷抱明
月前身觸清省當年杖策向長安馬蹄幾踏關河冷

轉眼林泉遂臥遊塵紛不擾瑯嬛境效顰那復作修
眉沒古渾慚摻短綆叔度汪洋雅量深觴政分明好
暇整繡衣執法聊復爾豸冠莫訝儒生猛僕指驪歌
祖餞期歲寒鷗鷺盟何幸卻愧康成三百杯十日平
原會引領

題句生蘧廬夜話圖圖爲憶曩日就試海陵懷人

歎逝而作

當年我赴察院試

學使臨泰州試士
在舊巡撫察院

憶到海陵凡八次

沿門都是寓考家不出州前幾灣地在家羣友聚會難
到彼朝朝總相值晨來暮往無阻當發盡歡騰極狂致

彼時世故了未知但以天真說人事相尋本是臭味同
 不識人間有猜忌詎云此樂非可多回想方知昔遊異
 滿叢密葉當戶星忽漫遭逢等閒離升沉聚散雜死生
 三十年前已歔歔王君今年三十幾忽寫蘧廬託深寄
 事非經歷那得明宛爾君心卽予意中年情事已如此
 所以東山說愁思豈徒作惡臨別難正覺停雲感傷易
 維君話日我所知泥着枯陳小醺醉泰州濁醪名 枯陳最美鐘樓
 晝去幾回登月下州橋夜深至試時常態如此書生習氣可憐
 人小戰爭名欲鋒利我爲諸生近十載從來未列高等
 第回頭一笑舊文場落得朋儕講文藝爲君題罷益凄
 然多少從前好交契

題楚楨江淮泛宅圖圖爲頻年就館在外而作

煙波昔日有釣徒茫茫泛宅遊江湖湖光不礙彼閒矚
 易以淮水君飢驅君家家在津湖住慣說沿淮傍江去
 一身適館便爲家到處春雲暮來樹南北休嗟長短亭
 出門教授能傳經男兒卽此四方志何須習作處士星
 去年君入賢書籍轉眼飛騰堪百尺皇華四牡倘就塗
 駐轡停驂遠猶宅儒生非必論窮通只此青氈是素風
 載得滿船書卷讀不妨隨地作編蓬

題劉孟瞻青溪舊屋圖

青溪昔是劉瓛居孟瞻寫出舊屋圖我意劉瓛必君族
問之此胄遙遙如圖中迤邐斜連屬知是劉瓛是君屋
一門經術自古今不礙相攀鳳鸞宿昔年我傍青溪遊
側身屢望檀橋頭鉅儒風味不可見空聞屋瓦皆穿霤
孟瞻謙冲古懷抱也挾胡牀向門造幾間敝宅不肯移
惟有吾儕等閒到青溪假託不是真子珪是舊君纔新
築室必來三徑人與君同傳明山賓

旣題孟瞻楚楨圖卷更綴合贈兩君

爲底研經士從來數二劉於隋焯炫匹及宋敞攷儔學
且吾鄉最生彌 盛世優齊名兩君在屈指第三籌

樗美篇

天之生物豈直爲一端功用哉樗爲惡木靡挽
於衆論而天下民不皆工事不盡程器作室必
責樗於此而惡之樗爲之蔽識爲之蒙矣頃有
內戚娠育危殆下淋瀝若決投佛手散繼以補
液踵進極晝夜然不能固遏將涸脫予觀其勢
懸須臾遽納樗皮劑中姑幾幸乃一服遂減劇
三進竟帖靜起婉乃下死嬰肌已槁揣其象如
舟滯瀨非蓄流不出矣吁生死肉骨之效如此
意者神明投合必有方員規矩之至涵於臭味

豈必當於工師一輩而乃為用歟為賦此篇非故與恒殊於以見天之別有所以賦樗者爾

呈異不在顯時俗焉知微衆驚一見輕習論無光輝事物有百是腫曲惟一非奈何執偏端遽以散惡譏何況用弗彰固乃全天機君看洛陽樹疇大數畝圍莊生置廣莫徒然誇盛腓於世苟無功虛譽曷足幾精英各有合補救待發揮石棄岐跗取不云相賞希俄頃奪壽命旋轉如衡璣一息孚人天梗梓今安歸不材乃至材遭遇良不違恒情囿品目所以堪歔歔

瓜洲觀江漲

兩點金焦勢欲迴巖前白日影喧豷三春淮海波俱集萬里峨嵋雪盡來高息亦隨汀樹沒遠帆別向水雲開深流每見漁罾避寄語魚龍莫漫猜

劉監泉太守

源灝

赴陝西觀察任去後民多思戀

賦以誌懷

一歲甘棠樹深如庇十年好官驚速去公論喜高遷感激騰淮海光榮達澗瀟眼前車邏在萬命已生全八月初車邏壩有不得不啟之勢已奉河帥羽檄太守爭以頃刻竟獲保全

冬夜即興成六絕句

繞環兒女燭深紅映得斑衣錦一叢欲解百端開口問

笑顏堆着鏡光中

分將沉速引寒灰次第爐香熱出來正覺陽春消息遠

故園芳馥當花開

嘹唳青天鴈影過風高無那羽消磨關山萬里銜霜雪

冷入白雲深處多

後園風景漸堪誇中有新棲楊柳鴉回首卅年前住處

依然十一樹梅花

家中所居顏十一樹梅花書屋

自裝詩帙自夷猶繡與時花卷上留要使尋常誇出色

為吟新句似錢劉

將眠少坐又拈髭完得忽忽未了詩半解衣裳還吮筆

一生風味一燈知

夜殘

夜殘膏未滅枕對一燈明鏡徹猶含影牀空不離情夢

中無現在老去有生平反哺烏何切猶聞繞樹鳴

讀詩二首

平等詩將佛法同由來此事最為公布衣卿相能連帙

惡木松杉莫一叢但令準繩皆中墨不關幾組自雕蟲

了然刪述從尼父敢出無邪兩字中

漫解虛思即性情還聞百物識多名楊琴未許鳴天籟

金石方論擲地聲一字音均毫髮辨千秋訓詁幾人明

夏陽堂詩集卷四十四
官商不被何關樂必待簫韶奏九成

均古原讀如字

市間見一匾額署鴛湖別業云在曝書亭西數武

是朱竹垞太史故物買歸懸之且齋

鴛湖別業曝書亭一見撩人眼便青借與且齋懸幾日
助些煙雨向樓冥

孟瞻楚楨蘊生句生集且齋席間歎及韋丈西山

詩集就湮予念西山舊誼慨然成作

君自玉門關外返與我相親何懇款忘年渾作舊石交
吐欲天真竟充滿緬君昔日官蒼梧燈前往事談噫嗚
灘江風景我愛說火山冰井聞模糊豈知滿耳淒迷路

卻是先聲引趨步我翻到去君在家顛倒前時兩人處
別君南行經幾年歸來問君在黃泉繫念君詩累一尺
屢尋不見家俱懸初聞傳說君舉子又道君兒早殤死
復言君有繼嗣人踪跡無從覓遷徙人遙事往如枯蠶
韋君久已無人談名山今日忽悵望望君詩子皆空嵐
君心磊落君才大回想君詩百光怪衝開霹靂走戰場
倒馬干戈趨下拜諸君若問君何詩卽此彷彿摹其辭
我會當鬣三舍避化龍東野誰勝蔡君交屈指論千百
非必君名是予責此人湮沒道路嗟嗟到吾家滿筵客
君有弟子汪與丁

孟慈小研

一生一死皆典型兩家若有遺

本在合取飛傳與汗青

園中追憶鄭鮑兩君慨作

鮑君治亭與予交綦篤予初遷此屋數年中每
值佳日恒與鄭文敕齋偕至輒竟日夕雖涉遊
覽實綢繆雅誼爲君子有道之槩乃鄭隨以瘞
沒鮑以中年卒喪皆十五年前事矣如斯友道
不可再覲舊踪宛在能無惻然

每看樓閣記從前滿眼留賓舊几筵此地復來人幾輩
曩時如隔夢千年鄭公通德今誰見鮑叔分金古正傳
偏憶玉蘭花下立兩君心目共纏綿

冬至前二日卽興

商量刈植幾番忙客去多時尙夕陽忘卻爲花偏早起
猛疑長至日翻長

懷繆晴煦東臺

洛下春風裏溫文爾最賢

晴煦爲予親家玉岑弟子

還家着斑綵有

塾教青瑣別思連雲表吟聲入海壖近應收得到曾寄
一詩編

十一月十四日程石芸置酒邀同汪琴言暨友盧

德夫竹溪三舍弟集予且齋以明日冬至預于
今夕賞月當頭

一室馨香氣芝蘭
貶不禁主賓鄰誼美
兄弟族情深
兔闕賒來望鴛湖
借與吟消寒
還九九除卻此回臨

石芸與子

比鄰時見予所懸竹
垞匾爲題四絕句

市生雉畜之而作

文采何佳哉
斯時毛角摧
野人雙袖搯
寒日幾紙開
修尾拂凌亂
雄鷹鬱虺隤
解綽還昂藏
欲逝如奔雷
競疾不尋伺
在彼殊驚猜
竟陵有仁言
安仁空技才
耿介良所賦
相逢詎噫唉
宛轉聽自馴
未許矜能壞
因是絕畛域
雖雉無由媒
三步令飲啄
五步令徘徊
近得樊中意
遙非柱上才
誰論解顏者
翻然歸去來

望竟山衆草皆絕惟秀冬猶茂

一種青青色區殊
亦後凋片隅今乃儁
羣蔓昔何翹淺映斜
連雪低颺暗逐颺
隔欄松柏在相對
不能驕

夜影

影亦從人豁挑燈
百態呈歲華翻臘
月形跡故三更息
鳥翔何事浮雲動
有情客心詩不解
惟有壁分明

腰痛戲占

折來彭澤曾爲邑
纏到揚州本是家
今日歲寒聊一觸
欲教扶杖看梅花

江上送客夕懷乘月有寄

道遠池上山風光任餘還秀色不成雨落在松桂間雲
屏隔牆東荏苒不可攀低頭見芳草歷歷滄海顏遐哉
與為適鳥鳴非春殘洄溯但伊邇聽鷗無暫閒屣履意
草率勝侶心相關揮手謝鴈門欲往難盤桓明月今在
水水中拖籬竿錦鱗非可釣持此向微瀾

正在刊飲泉詩忽於篋中見其臨沒時見遺之札
率成質直數語聊當簡之

君詞予未改羨君此藝到天成那用浮雲混青靄有客
先刊今好在君詩交蘊生蘊生力歎安汝營君不予交
識君情可憐品詣君殊特到死猶懷自修飭今日君詩

是予責我已持歸為君刻

飲泉來札

前承枉顧之後弟即展轉牀第十餘日矣今承諸同
人為弟謀刻詞彙不得吾兄點訂不安於心務望於
尊集編次之暇稍撥餘閒為弟斟酌一二俾不致或
留大憾彙一本託蘊翁代呈務祈垂鑒為幸弟死矣
他無所望再懇賜以哀辭附於尊集之尾感且不朽
汪潮生伏枕頓首

憶幼時事有懷業師家璪珊允器夫子

函丈無多日重逢倍許親素懷將月曉和氣與風春博

物佳公子還山古達人薄芹猶感浹伯道品誰倫師為廣東

按察使大煒公子中年喪偶未娶竟無後晚年屏跡里中予寄以二金師逢人稱道不置

夜醒

宛轉神遊地虛空一渺綿宵寬吟出夢臘窄想逾年草木春長短星辰夕後先望雲無處接恍惚向何邊

望雪

預時關麥稔臘雪遠能任螻蟻羣情切蝗蝻今歲深月

蝗未成災而遺種散布民生千倍齒 主極萬方心願得豐年兆

先春及早音

欲雪

風光暝色換寒期霧思侵戶掩前宵宿庭藏明日禽林
巒開畫筆鄒枚有賦心況此瓊膏降屬念在于今

不雪

天寒雪意饗雲墨朔風刀怪底翻空易如何作幻勞鴈
際迎籟寂冰朗入星高定識元冥意論功別一遭

臥吟

隱隱復迢迢牽情近又遙拆聲含寐轉燈影替愁消病
枕欹難定寒詩凍不驕正吟來夢接添與散飄飄

金手山沒後蕭然同人為書其況示客詩以悼之
一生纔兩面再見欲千年太息知名士終成乞食篇自

夢陔堂詩集 卷四十四
雲難返旒青鳥代傳箋莫漫談遺腹新雛先可憐

夜讀偶作

讀書身徇入童稚到于今日日瓊孤伏宵宵鼓四侵平生無倦眼頃刻不停心老至精神在人言抵萬金

十二月五日且齋

滿眼寒雲物蕭疎致不齊薄冰魚隔斷深篠雀藏迷日色臨梅蘂風光在柳稊欲看鴻爪跡還待雪中泥

送養正弟還歙里

幾日來還去寒飈逐汝衣歸途梅蘂大別緒柳稊微兄弟衰年重門庭近族稀眼看鴻影外剩此鶴鴿飛

市間見王古靈

應祥

畫卷因以懷之


當前莫道未爲奇此是而今好畫師相憶已成多歲別必傳休待後人知頻年見汝添三昧逐幅教人望幾時贏得道旁神欲出不關筆力更關誰

題友人聽音圖

知音習聽尋常說那識相求不是音疏越朱絃再三歎曲終應見古人心

闔闢宮商隱萬千隨風各度各纏綿多般語字無窮別莫把他音誤此絃

消息微茫箇裏伸無端齟齬漫橫陳兒童亦解聽箏笛



P.9后缺页

夢陔堂詩集卷四十四
爭到鳴琴卻督人

鈞天有日詎須研至極音均合到天倫理是風風是樂

欲尋夔律在詩篇

鈞卽是均是以古鈞均多通用

丙申除夕前一日

歲月潮流去相牽逐渡頻疲勝驅事日老落過年人燭

短風捎臘花多地醒春滿懷新舊感消息併明辰

除夕立春

除夕卽興

年年除夕未拋書忽漫今年夕又除老去精神禁不得

獨消燈燭坐無餘塵勞已隔詩蹊徑技癢還尋韻部居

理出瑤箋隨筆弄此篇吟起是春初

巳于辰刻立春

夢陔堂詩集卷四十五目錄

古今體詩七十九首

夢陔堂詩集卷四十五

江都黃承吉謙牧

丁酉元日自觀詩集感賦二首

茫茫詩句三千首
歷歷情懷五十年
小我劫灰池正著
殘人覆醬瓿空懸
拋將舊影難容地
落得虛名也對天
多少雲烟連字脚
只今縈出在風前

相看近日與踟躕
漫說今吾遜故吾
畢竟也如窮達異
忽翻添得死生孤
災无妄去空春火
慶有餘來亦晚籬
終古莫抒遊子恨
灑將心血總模糊

子改官生子被祿
悼亡皆十年內事

在詩集
後八卷

正月三月初入後園

履跡苔痕隔歲斑
乍來尋踏興相關
春風送出梅千葉
曉日分開雪半山
百彙那非潛復見
一年今又往仍還
遊魚似解迎人賀
箇箇翹頭欲上顏

前此蘊生喪偶失家憤激有終焉之意今聞其已營居納吉喜而貽之

不學盧敖去不歸
肯歌犢沐雉朝飛
還尋架上書連屋
又聽機邊錦織衣
便是神仙都窟宅
從來人世必光輝
縱然枯槁倫常在
何況君年事未非

人日枕上感作二首

竟日朝陽與夕暉
照來塵影却纖微
無端祇覺身猶在
到底難忘事盡非
鐵馬弓衣盤閃爍
銅山鐘簾響依稀
一生鴻鴈經投處
漢水湘川雨誤飛

到處難容實踐行
側身天地落虛名
黃河湧過千迴浪
白雪融成一點霏
人世有情皆笑語
鳥聲無故不悲鳴
年年歲首期春色
爲問芳華底自生

等閒

等閒如夢又如趨
路入川原盡坦途
踏破古輪今是昔
拓開塵鏡爾元吾
雲霞萬頃花顛倒
環珮千聲履合符
若爲鑄成無點隙
問君何術補洪鑪

與蘊生飲東門酒樓

酒肆小樓何足吟吟詩祇是隨人心
心中有態自遠矚此樓遂抵山嶽
峯今朝底作樓中客却因樓近梅君宅
梅君無宅已三年有宅新堪望延祐我昔無兒傷白頭
今日有兒能上樓憑欄久立望湖水口中誦着詩如流
一身豈要將渠弄此兒關係先人重挽得隨時興發揚
牽來到處心酸痛我曾百度看梅家梅翁盛德真可誇
可憐幾載禍慘烈舅姑與婦同泥沙今來正問君家事
聞得巢成鴈將至一柱知君自任堅不然溝壑甘填逝
語內涉君家事君家室小子華屋跡殊那不同衷曲人世遭逢

自不春鶯花賞盡空迷目舉杯各笑皆銜哀此行非上
劉伶臺樓頭日落與君別携子行歌歸去來

爲飲泉刊詩因憶昔時與飲泉論詩之況不禁成

歌

邇來作詩苦流利餒去筆力難禁留天門對峙不屹住
地軸迴轉無中收自知退減人不覺轉覺馳騁如奔騮
大凡隨語輒界斷句始鐵畫詞銀鉤少年專精頗殫極
強欲百態窮區陬方期沿湖盡源委千支萬派隨周流
志猛無如力不濟未沉摘領翻浮沔風詩自是關禮樂
非許下士通冥搜道如牆仞辭巖飾不賁奚以文剛柔

虛談大雅略藻績三百曷不常言謳標裁歷與時代變
粲然列組垂千秋音聲至理本開闢德成與藝咸相投
六朝文士罕實踐賦才天與偏奇優英華到彼管發越
進以道義疇能侔中權勁旅一鈐鍵幾人隻手迴羣牛
杏壇若使餘子入升堂定許同曹劉老矣吾生不及學
欲吞雲夢空回頭平原躍馬亦常技誰能勒紉騰山邱

元宵大雪

晶晶空垠向夕澄瑞花初望已春騰人疑景色開齊月
天遣風光占斷燈插戶柳枝添片片架橋虹影隔層層
白膏如此堆稠疊爲問新蠶幾許增

夜夜

夜夜分明夜回頭却總迷孤燈環影遍各夢引魂齊擊
碎多方柝鳴殘幾輩雞一生常徹聽無處不昂低

正月二十四日卽興

消到寒窗雪盡無新晴草木漸昭蘇向陽數去分明甚
開起梅花第一株

欲往

猛思攜侶快登臨欲往無如共不禁興少花非成我看
情同詩似爲人吟平生夢裏兼風雨到處遊邊隔渚潯
最憶草長鶯囀路夕陽沉過幾春心

冬巢嵇菴兩集中各有見譽之作垂愛過甚頃皆
付劂觀之祇增愧赧詩示蘊生並酌飲泉地下
底合相誇最上乘撫心私問亦何能兩間置我無他局
千古衡人第幾層流到汗青君恐誤收將眼白世須憎
此身夢斷天涯老膚髮微名雪未曾

蝗車行

去秋蝗美翻無價蔽野漫空不傷稼 聖君良吏致感
通億萬聲騰向天謝老蝗過去留餘螻農夫望雪窮三
冬冬殘不降春始降勦遲地力難全功頃聞官府出錢
購大錢六百買一斗鄉民掘得爭取酬擁着蝗車滿街

走昨日缺口城邊譁推來蝻蝻數十車市人闌集競把
看半生半死微如麻此時民命關操縱黃金不貴泥沙
重但得天教此種無何須日有千人送上年穀熟猶有
飢今年那使遺孽滋雪力雖柔已殺伏頻仍夾雨如刀
剗古稱蝗逝不入境此語徒爲一臣幸天下田疇盡一
家豈容獨詡茲方靖蝗車已過蝗漸稀所期淨絕無車
馳鳳凰自飽不須食蝮蝶終狂何用飛

火蝻行

賦罷蝗車行當門入僮僕適從門外看車過取得微蝻
紙包束呼來熟啓視粥粥如蠅蛆纖掣却飽足偏直仍

夢陽堂詩集 卷四十五 五
堅巖將刀試與中剖斷星星點汁濃於醕中間有一二
汁起濺吾膚分明萎屑僵不動詎料毒烈腴非枯此種
不可留投之急向火初謂靜銷除豈期翻駭我格磔柴
池響不絕一聲一聲如爆裂須臾屋臭不可當似炙多
年死屍血昨日傳半死今日知不然耳聞目覩大區別
世間百誤由聽偏嗚呼有形之物尚如此何況無形事
無已無窮萬億益化身祇今一撮纔微塵如斯充擴極
何所嘗然一想愁殺人還思此種非生理天與之生亦
之死底用臨陂抱木殲何須入海因風靡輔夾仗神明
車聲四邊起落得些三須到我焚也殺淵潭一匙水

觀飲泉詞集爲題憶舊遊一闕系之以詩

生平祇是覺情多每欲聲聲喚奈何想到故人愁絕處
也應低唱與消磨

回首虛空十二詞闌干曲曲碎風絲而今補出孤生管
記取花間也一枝

生平共賦詞十二首今
皆不存只此新成一作

憶舊遊

子素不習倚聲曩以飲泉愆故試爲十闕豪
燼不存今哀刻飲泉詩詞挑燈往復因感君
一生嗜託重繫於斯且其平日數以審定見
期楮墨纏綿態容如接忽不自禁遂援筆爲

夢陽堂詩集 卷四十五
題此作意者與其疇昔之懷若副若答異時
此調孤存可想見鴻爪爲故人一踐爾時丁
酉二月二日四鼓

甚星機霓羽霧縷煙絲織出風流荏苒三春事被淒
迷草色罨衰多愁一生只餘情思今昔共綢繆却月
下哦詩燈前讀曲趁我回頭 夷猶記當日說何人
畫閣若箇登樓幾許浮雲濶怎簫聲同戀老住揚州
落得色香聲外腴味儘勾留但默注吟魂低徊翦燭
難自由

二月四日曉病旋起宴客

是日約孟瞻楚楨蘊生西御熙載句生午飯曉
眠未起身忽驟汗雨下眩暈嘔逆甚厲勢必不
興家人惶惑然予自知爲閉塞象急投導利之
劑頃刻躍起與諸君相聚無異憶於八九載前
會歷二次固皆如是脫延醫誤治則殆矣且予
前一日以他故自服發汗葯帖年已劇衰醫來
更未有不爲補脫斷無知此汗非鼓活葯出者
也因歎吾友中曩頗有以此象誤治而死者旣
與諸君言狀復以一生不耐眠臥之況漫述爲
詩以助席間談噓乃是日楚楨反於臨時猝疾

不來可謂異矣

祇覺平生兀坐長絕無低睡與欹牀何曾兩曉須臾倦
遮莫三尸自在強往往夜愁仍不寐回回妻病已如常
卽看曉榻留難住還共諸君對午觴

偶讀前人制藝乘輿而作

子弱冠前酷嗜時藝習之至廢寢食後以涉獵
他學遂置弗觀雖瀕試亦罕論習而前人名篇
傑製意境如在目前今以戚友多赴試吳陵因
忽思及此事遂尋取金陳二方京江數作乘夜
讀之乃輒往復低昂一如佔畢時驤首愜心之

況而深以數十年之讀書閱歷愈見其佳無以
贊之惟有以詩相譬答爾然生平之情事亦可
感已

天風吹斷碧雲來散出歌聲兩闔開白日有塵都照落
高秋無鴈不驚迴時妝那索空千古尙論如斯定幾裁
我自多年忘此習今宵憑燭與低徊

竹齋雨中偶成絕句十二首

憶到空江又幾回高山雲外那邊來水流活活思千里
多少花枝舊日開

浮萍聚散逐風中風與浮萍聚散同無跡有形誰覩得

去來消息水波通
一粟星光一點塵
一隅花影一邊人
欄杆隔斷朦朧月
照見浮雲底處春
蓮花蓮實苦蓮心
蓮葉憐魚數不禁
南北東西都繞遍
中央元是不能尋
一幅瀟湘夜雨圖
挂來齋壁半模糊
低徊不見黃陵廟
却把鳩聲當鷓鴣
落葉荒雲幾處思
又看階草立移時
吟情欲遠還將近
除是教心左右馳
若道身高便出塵
如何飛鳥不如人
枝枝楊柳家家屋

聽徧鶯聲又一旬

仙人遊戲下雲端
只道人間水不寒
一夜岳陽樓下雪
洞庭波湧作冰看

忽漫閒情想鷺鷥
鷗夜來孤夢在滄洲
寒蘆不識虛舟意
儘向虛空點白頭

世間燃火盡成灰
到處泥沙有浪催
若是教情成實相
等閒留積萬千堆

窗外聲聲聽柳桐
夜深疑雨復疑風
天涯樹影看無數
都在空山明月中

小立如聞玉笛聲
梅花一落古今情
輕風送雨河橋渡

纔不相思水又生
去年三月去今年二月來相逢與相別
花落又花開

蓮渚至自宣城

去年三月去今年二月來相逢與相別
花落又花開
春日頻雨探梅園中作

三冬雪負期延作春日雨天意泯時恒農心雜甘苦前
年穀穰熟所向皆福土有蝗且不災遲晴那禍汝妨蠶
卻早慮一雨農一數患失無鄙譏閭閻望生聚而我勤
寸疇坐企梅萼吐吟尋愛芳薈於此久延佇回思昔湘
南率作崇時舉投閒已多年躬耕顧無侶當窗聽淅瀝
獨自盼和煦庶幾稠糕榮逮我花事與家居祝豐亨未

肯希小補猶勝理一方占稔限職所霽明映衰顏賸欲
娛老圃仲春尚從容季春合翔舞睇彼耒耜場相與逐
碩鼠

雨中登眺還齋中作

且喜衰年足未疲終朝帶雨踏春泥山巖迤上還趨下
門戶穿東復到西萬里何方難贈策百尋無躅更登梯
生平鳥翮非關倦底覺雲遙不稱躋

久未得王子卿太守音況頃蓮渚由宣州來揚道
經于湖述其健狀賦此寄懷

聞道仙園對赭山晴明彩色映江灣瀾瀾水過平泉澗

夢陔堂詩集 卷四十五
小小堂如綠野閒
卅載交成疎密裏
兩人官似有無間
相思正是春三月
爲寄桃花好駐顏

花朝日入前園玩梅花歌

從來喜新易忘故人
猶如此何況樹我種
後園梅花十株等閒
都向花邊趨趨來不
是花偏好爲是新齋
新灑掃客來爭就且
齋遊趁着繁花便圍
繞今朝陣陣香飄來
不是此中花散開轉
身急向簷園看幾樹
寒芳鬱淩亂古幹無
風氣白醜高枝未旭
光先燦主人曩昔偏
矜誇而今反被新妝
遮多時足跡不到此
眼中負却眞梅花有
香尙可相勾引若使
無香意且盡香勾值
我猶

肯來若使無來態俱
泯噫嘻當日賞花之
時無且齋年年都稱
賓朋懷如何相視如
天涯天涯不遠在何
處夢醒孤山非別路
後園今日多少花又
被低徊舊遊誤

二月望夕喜慶兒病愈感而成歌

前月今宵心掣痛如
醉如顛復如夢祇緣
我子病且危顧念沉
吟比山重我子食積
身熱燉醫來診視當
春溫復有醫將作虛
治兩家各執如爭門
支離幸喜子皆辨却
已因渠致撩亂躊躇
幾日未急攻忽漫神
微徹宵汗此時虛實
不易銓頗形病勢難
保全兒母焦燔遠咯
血我氣欬逆肝如煎
老去生兒原望外有
兒翻令子無奈

夢陶堂詩集 卷四十五
先人付我承宗祧我那徒將己兒待溯從曾祖下及今
一髮惟餘此兒在既有敢作原無看天地神靈倘難賴
熟思非可容姑息力揣偵知腹心賊我身兒病不兩存
决計摧排腕中食拚將猛劑疾掃除更遲益恐津傷枯
搜腸剔胃汗轉寢七日蕩盡沉霾舖消殘又合培元氣
前醫反假攻堅泥人命爭堪竊倒顛權衡是我終康濟
兒身未愈不敢吟及今始得一寫心原知隱德足可惜
其奈顯疾何能禁平生不是兒能贖却爲兒添一回哭
賸欲將兒換此身尙待餘擔仔肩足我亦酸磨彌憊矣
不遇前憂今不喜酬神告祖何所言依舊相看八齡子

夜集觀諸家詩讀及王農山侍御之作漫爲題句

世廣誦農山制藝不揚其詩頃讀數篇見其于
音罕有不適而又濟之有學就所作以觀所成
蓋綦難者因題以示同人

千秋無那一音聲難得安絃詣浸成似此幾人能伯仲
歎君無客解權衡披沙逐手金偏見撥霧凝眸宿易呈
回憶小時陳藝讀豈知翻爲表詩名

後園題新柳

春漸柳疏胎絲絲粟粟開漫憐容易綠探過已多回白
日牽將去秋風繚得來預情無底極相賞又低徊

與琴言湖亭憩話題四絕句

城郭歸來對幾時
綠楊依舊一絲絲
卅年留着家山詠
不管他方少却詩

多同畫舫逐輕鷗
鷗在前頭舫後頭
萬漿撥開燈影亂
夜深魚藻不能休

勝事回頭一轉圓
祇今風月剩纏綿
憑欄想去笙歌路
蝴蝶多時繞菜田

坐憶平生幾十春
千回看水碧粼粼
此身慣與湖波習
尙喜清流不笑人

邇日觀時賢書中論列多予昔時舊友而述之者

直視爲古人以作書乃後來輩也感不勝思題

詩齋壁

生憎日日景銷磨
領遍駒光兔魄過
漫覺烟雲隨眼盡
不知風月換人多
名山幾輩空陳迹
斗室千場此浩歌
同學那爲前古看
無如衆籍已編摩

紛紛轅固與高堂
昔日談經事渺茫
顧我齒非齊伏勝
被人心作魯靈光
儒林有脉須親授
友道多資莫誤嘗
又向眼前壇坵人
交遊幾許續文章

丁酉二月玩玉蘭作

宛轉嬉春意不前
主人和樹劇相憐
偕烟偕月宜千古

隨雨隨風共幾年到客祇增今昔歎看花誰着淺深緣
回頭記取流連事廿二韶光一霎筵

子居參園今二十二年矣

對影纏綿久一家未容多語更浮誇平撐鄴地明光錦
直轟崑山白色霞還待幾回添卷帙不勝老眼去年華
開窗一笑渾常態刻却琅玕莫汝遮

窗前爲竹所蔽特與斫去

市得小幘繪一婦人題曰冶城村老蓋畫師寓意
之作感而詠之

不工時俗態作計也徒勞欲買新脂粉難裁舊剪刀
娥看人世嫫母笑吾曹若道無顏色茅簷映着桃

又雨

正少詩堪咏窗前雨又來有懷消靜日得句和驚雷
麥穎深深謝花枝故故猜及時原遂育遮莫誤相催

蘊生句生暨壻東寅輩同往就試海陵別後意有
所觸成詩寄之

一生回首憶前蹤畢竟文場角底雄笑我桑榆當落日
看人桃李在春風長途祇賸虺隤馬結習難忘霹靂弓
倘說據鞍重顧盼故將軍石已穿通

連朝風雨同人謂園中玉蘭必已摧殘予以爲方
盛之葩非能搖落霽後觀之果然

堅疑各立影珊珊風雨連天撼亦難彌覺杜陵詩句遠

夢陽堂詩集 卷四十五
玉山高並兩峯寒

感舊篇

予少時以文字往還聚業證藝者隨遇所值計
不過二十人當時朋從一致無厓埒可區逮後
企合分途所之各異乃或貴爲卿相或學貫古
今亦有潦倒著書才高不永要皆於學各有所
成同氣之漸可謂盛矣今綜憶諸君情事深觸
懷來膠葛平生萃爲一作而舊遊如夢恍惚雲
乖方春獨自舉杯徒想故醇而難醉爾

長安走馬千金裝牽來不識驪與黃道旁行歌舊公子

轉眼一顧心蒼茫流水無情幾回別晨星亂落如飛霜
棲遲何故責子羽同時昵好多輝光輜駟柴轂聯雲鞚
游揚每被諸侯重意氣常堅金石深綈袍不道無人送
大府平津度委蛇小生東閣才難用吳興送謁非有心
貴賤相看劇空洞人生有志須學耿伯昭安取身臥隨
蓬蒿爲人須學龍伯高安取口答似馬曹西山一眺雖
足豪未聞貧賤翻可驕東山一趨雖足樂未聞絲竹驅
煩勞脂車秣馬難馳逐有酒如澠恣歡足西昌逸士酒
中人擔荷焦薪說衷曲此無彼缺多少分得壽爲男豈
非福役夫若寤焦遂醒滿目無聊笑塵俗孟嘗賓客皆

懷才幾人狎侮商邱開路旁芒屨可易米敝衣爭識神
 仙來宦情山色兩俱盡祖道東都車若雷贈策長亭一
 揮手還鄉失却多時偶彥輔能談筆不傳永和著論年
 非久少年三五何可期驂靳疲驢滿街走羅浮不問就
 丹砂那惜門前五株柳繫人情味風中絲金蘭簿書望
 移時尚書履聲不得聽織簾失屐來何遲故人平生意
 慷慨將琴挂在青桐枝半生半死音寂寞爨下良材何
 用炊

三月三日與琴言守齋竹書且齋修禊

三株垂柳綠絲絲十樣花開併一時相約不須他處去

流觴原有自家池

去年高會此回殘最憶輕塵拂牡丹今日一枝開也未

捲簾應向夢中看

李蘭卿觀察每歲時必招同人遊詠去年以此日集東園時牡丹初放一枝君數指點示客花上小有薄汚君猶以衫袖拂去詎意良會遂自此終矣

上巳日池上偶成

隔喧何異野人家獨襖涔坳水一涯日暖雲霞初占色
 春深桃李自開花十年未醉杯中酒百事胥融鎮裏茶
 便是會稽容我集其如風味不堪誇

登維摩閣觀玉蘭花枝一一都現呈詩佛座遂爲

名花證緣

雙樹連雲湧簷前轉法華十層香舍利萬朵白蓮花朗
作圓成相春歸淨信家夜來心是月澄澈到無涯

感事題僧寮壁

慘淡春風拂面寒門前岸外卽波瀾行人豈盡輕汨去
老我原爲側立看泡影可憐成佛易事功無奈作儒難
桃花浪影空三月爭見雙溪一釣竿

蘊生見予述德詩三十餘篇遽促付刻更勸亟爲

文勒石以冀益堅作詩二首奉呈

感君湔盥繹詩篇歎息吾親近大賢先德弗陳奚立地
暮年纔述敢欺天棗梨待壽原身後桑梓難誣自目前

寫徧質人臨白日未須金石也能堅

鐫勒誰言定久長空聞勁砢載文章孔悝著鼎猶銷爍
杜預沉碑亦渺茫親意豈爲千古計子身難盡入絃揚
欲尋悲本銜深刻溝道無如塞淚行

夜懷成詠二首

夜永其如擊柝何已眠無那復吟哦一生詩句風中遠
往事詞場月下多餘燭那勝花照耀舊戈都被日銷磨
欲藏白髮難欺枕欹側全知兩鬢皤

頻年躑躅影闌珊斟酌微疴儘自安絕飲那干人中酒
輟驂原讓客彈冠風前久立心消熱日下重遊體卻寒

夢陽堂詩集 卷四十五
出處後賢休誤惜我生行路不曾難

我在西牆外

我在西牆外不見牆東花牆東看花人如何太喧譁
我在西牆外我有牆東花我在牆之西如何不喧譁
我在西牆外牆東人不聞將牆試毀去花飄兩邊分
我在西牆外非是在牆東我若在牆東牆東予目中

與蘊生談劉文清書法

諸城學書如學詩學唐更學唐之師龍跳虎臥不在跡
蛇縮蚯蚓紫都中宜心到法中還法外筆能鋒絕乃鋒彌
鍾王卽是曹劉席想見揮毫獨往時

弔借庵上人

借庵爲焦山詩僧癸未春予以四詩徵人和章
荷其遙應此爲知借庵之始時予遂作詩將寄
贈而實未寄壬辰予刊詩以一部度存焦山書
藏適彼就觀見前作步韻寄酬逾年來揚州過
訪始相識旋聞其錫飛兩浙繼又來主淨因講
席訖未再見未幾復還焦山頃正相憶方待款
蔬致饋忽聞其因雨屐登巖失仆折臂而卒跡
其年已八十詩名久傳不負名山有此宿衲乃
其贈作至今黏于予壁感爲故蹟因揭存之而

弔以詩

鶴去雲翱翔三載已不見過江雖淹留而我未覲面我
有故鄉蔬方當到時薦忽聞示滅音流傳雨中偏路滑
何爲行斷肢了誓願多年近海居解脫不燒眩山中有
此僧妙門一詞彥不爲文字離所以諸法現一生平等
施無著無縛習臂作拘留孫心如訖垂緣兩度酬我詩
江波與相眷感君證勤修因之說方便

讀春谷先生詩集奉和見贈原韻寄呈

清恒

先生天下士幾同行腳僧讀書破萬卷以覓最上乘

其心若止水不動萬古澄文章與科甲家自有傳燈
功名與富貴宦海波層層岑溪五千里去若雲飛騰
解組卽歸來蒼梧遊已曾囊中詩萬首令人感且興
時稱元亮達豈爭谷永能名傳千百世不在廊廟登
先生但一笑四壁山光凝

戲和人詠蝨

底是因人熱浸淫本自躬生涯皮相末行跡布衣中歷
向風塵遠遊將汗漫同爬搔偏不惡聊取伴冬烘

三月望日晨醒枕上作四首

雞催忽醒重徘徊纔展雙眸念卽開宵夢似花都落去

春詩如草又生來高吟萬古情難晰熟寐須臾境不猜
人到白頭無計了積成芒緒幾千堆

此身非是愛多吟祇覺難爲一寸心人世虛生作何事
天風有觸動成音長空日月經時久遠道關河結念深
但使浮踪粗可識隱微雖我不能尋

每對青瑣忽懣神文章非可漫投人見功見過時相反
畸重畸輕孰是真千古自留餘地在一生偏藉此風陳
無常位置無窮讀繞遍疇誰幾舌脣

分將月色數華年又過元宵兩度圓屈指平生三演劇
輸心前日再酬天身衰子幼情如此昨雨今晴事適然

遲臥老人偏易覺不勝延轉讓人眠

小兒病中許演劇酬神及初八日酬

期因雨罷劇至十四日補演時又值大雨計子遷居同人公演劇一次適程氏女二十生日以將出字演一次及今乃第三次

感書慶兒病况

方兒病劇瀕危子與其母晝夜察視絕不聞其
聲訴病情問之輒應以稍解每夜漏靜聞子與
其母在則再三勸寢如是之狀意謂其雖憊甚
而尚無切苦有時或熟寐也然見其病勢日殆
訝其何以安貼若是及詢其伴宿之媪則言其
極日夜常搯媪手爲摩按腕腹值子與其母不

在私告媪以痛甚戒媪勿張恐益父母之憂子
時聞之尙涉疑似而又揣知其實痛甚也及病
愈後乃親見其笑謂人曰吾命非父治不救然
子病時視壯大之人尤苦甚子痛急不敢言云
云一如媪之所說然則前狀乃信然矣嗚呼童
子何知而顧若是夫以數齡知盡子道抑又異
乎尋常聰慧之可紀子不著之轉歉於爲父雖
小時了了烏卜其大一端之善豈概終身然就
觀此一事彼則居然旣已如是至難且異則固
子爲子時所遠不能逮者孝乃公行非一家之

私不能云子非軼勝幼非踐履也思之不益悲
乎

劇憐兒病不呻吟爲恐驚憂父母心逐日共聞非假借
過時無恙復追尋人言令子殊凡器我意寒家有好音
翻使觸今還憶昔一砭何異向親鍼

穀雨日看見落花口號

三春情思渺無涯到處相逢總落花蝶儘飄飄蜂儘度
不知芳意在誰家

初晴乍雨夜深深倏忽離人幾處心驀地高歌絃索響
漫空驚醒正棲禽

夢陽詩集卷四十五
三
悵望苔階一碧塵欲懷今日更無人當年餞送韶光裏
曾醉醱醱多少春

休言興往興還來昨日風前酒一杯欲買鼠姑當榭植
看他花又幾時開

予雅不喜與人製題爲詩往者如靜軒蘭卿諸君
相招之舉一時勉應乃迄今思之又覺不可復
得頃與敦夫太史談及率以簡呈

一生遊名山獨往不思偶自行每登臨見邀輒不走吾
性固素然亦復難執守有時來嚶鳴安得禁我友當時
習酬答口應心或否焉知瞬息間並此亦無有所以當
前事但值不可負分明好時華儼然衆作手勝處今始
知雖知亦已後從此更何人因詩具杯酒

夢陔堂詩集卷四十六目錄

古今體詩六十一首

夢陔堂詩集卷四十六

江都黃承吉謙牧

對燭

春心何處着祇是夜難成老去詩無味閒來燭有情中
宵常聽雨三月未聞鶯昨日看花色枝枝態已盈

幼女侍前感之而作

衰吾衰已甚弱女弱堪憐細與兄謙讓低隨姊密綿議
羅難率爾詠雪亦徒然底覺男兒外還添感暮年

春寒

驟暖春相越清明那劇寒倒回花氣遠遲去鳥聲安黯

淡千思繞迷離百種看爲憐芳草色多遍倚闌干

感落花

空山冷眼忽驚疑似許濃芳也卽離宛是一園初歇後
那爲前日正開時蝶蜂無復春相繞燈燭從來夜可知
看到更闌花影散幾人微悟聽鐘遲

閉戶

閉戶凌寒食垂楊折未懸酒空杯有味花落樹無權掃
榻春塵重吹簫晚籟偏滿懷消不得多半憶前緣

比來四方多索予詩集燈下感成二絕句

到處爭喧下里辭目前詩卷已傳時今宵正是何人讀

遮莫相思向我思

字裏行間柳亂縈拂空遊子極天情傷心寄語無窮客
一笛風前蚓一鳴

春望二首

聽遍鳴禽晝已長花前無那百低昂春愁也似人能老
曉夢難勝蝶儘狂千里送迎何日路一年歌舞見時場
浮雲正在天南北望去江河樹幾行

到眼榮枯迴未知積成形影遂難持空山亦有鶯啼處
落葉原非燕語時嫩綠殘紅烟繚繞薄寒輕暖絮迷離
欲遊無復舟堪放自折階前柳一枝

夜吟辭

汨汨兮悠悠問我心兮何愁曩日愁兮何去去日愁兮
 何處何處兮飄風忽而去兮倏而東雲流兮月出今日
 樂兮誰思昨日鳥拂拂兮汀之烟與汝翱翔兮山之巔
 聞歌聲兮江上樹客子行兮歸路相逢兮不遠白日驅
 車兮誰道晚暮夜兮空來惟有燭知兮余之哀哀何哀
 兮樂何樂枕上吾眠兮人擊柝吾欲往擊兮雞聲作千
 樹萬樹兮暮雲橫遊子不歸兮春水生黯然一燈兮餘
 無人獨自照影兮心難明亂曰心難明兮漏遲遲銅聲
 掩抑兮風間之水去不返兮空相思

予自丙子歲卜居此屋每晨盥後遂至竹齋一螺
 甸書案鏤松竹梅甚雅致與之周旋已久興至
 成詩自題清況次首遂專及之

月夕花晨有定如相隨僮僕慣居諸諧人韻味時吹管
 老我精神晚著書身坐樹中羣綠繞眼看雲外一青舒
 閒消可是林泉福似此風情廿載餘
 文章浸潤與誰看三友從來共歲寒相對那逢柯葉改
 久留真見漆膠安孤踪卓立千塵遠一室憑依四海寬
 他日簪園傳故物教渠千載不能刊

丁酉三月與琴言坐花榭懷往而作

前者歲在丁三春住京華及茲丁三月仍看了香花看
花雖不殊所花隔天涯彼時身作客此日花在家回首
思多人亂吹如塵沙人人倏異態到處翻風車光陰幾
何時那此赴壑蛇吾身獨不易安然夕陽斜所親各入
夢夢裏傳悲笳一傳一聲斷斷風花遮十載又如何
未來莫咨嗟春風送行路綠柳空啼鴉相於極衷曲音
信千里賒咫尺不可望青山樹如麻

三月二十四日夢歌

前宵幻夢悲非常夢見兩親相繼三日亡模糊非可理
測詳夢中呼搶痛欲絕一身驚恨無主張其時慘泣心

惶惶不省此身久已遭親喪卅年夢外天無光夢中一
刻猶難遣何況當之日深遠若將卅年人世置夢中哭
盡滄溟水都淺悲乎哉親恩萬古一息摧藐躬何寄何
安排多年猶幸有夢來而今此身將盡眠將絕不知還
得流連夢幾回

夜成

雲氣轉模糊吟聲帶漏徂情非詩可徹夢到雨將無隱
約千絲縷平生一畫圖此心洲渚上夜夜隔寒蘆

憶弱冠時有人在白雲清夢裏詩成紅葉亂山中
之句一時頗爲傳誦至有呼予爲黃紅葉者偶

觸前事成詩記之

畸零猶賸少年辭好句如雲逐去遲曾被幾人嫌欲畫
忽聞同舍管都吹平生錦地初開日絕世風情獨往時
曩昔低徊今宛轉不知紅樹底相思

窗前竹迤太繁致樹石漸爲所蔽曩以玩玉蘭故
斲去幾竿今見笋又成叢爲之致詠

榻來相對豁相宜惆悵當窗致汝辭縱伐也容今日笋
不遮還憫舊時枝主人情事渾無奈稚子風標且自持
我欲看花兼看竹惜春聊與故遲遲

偶倦隱几東堂感懷寄琴言西齋

邇來益覺愛徜徉坐臥常如戀此堂詩到狎疲渾沒味
酒能斷盡不知香身衰那逐投竿腊道遠難期採藥糧
回首十年前各事與君初接興猶狂

題竹齋所懸蔡松原淡筆葵花畫幅並存其詩

秋風何事感難禁蕉萃偏銜向日心花是寫心詩是畫
此心連畫到而今

原題丁巳歲七月松原蔡嘉詩畫

夜風蕉萃曉霜寒向日傾心倚畫闌好似山中女道
士嫩黃衫袖謁仙官

春暮小金山卽興

夏前一日河干送客
五
祗園掩映不勝華滿地
晴明五色霞
流水入烟還
是水落花浮草
又如花階光遠度
銀橋澗嶼影橫拖
玉磴斜最愛鴛鴦湖底宿
有時低悄白啞啞

園中新晴卽事

屋樹層層繚磴開
花魚兩兩逗池迴
芳緣自好無修飾
春色雖工不翦裁
風砌引篁趨几席
雨牆將蘚上樓臺
斯時鳥雀聲佳妙
繞定晴窗細囀來

白髮

添教白髮對青春
催上頭顱日日新
無奈自家看不見
却將多少問旁人

夏前一日河干送客

迴度韶華去淹遊
暫許人鳥歸雲送
暝花落雨留春南
浦分行住東風
逮夕晨稻梁謀正遠
前路麥苗新

既作前詩觀者謂予髮固未白因復賦此

鬢髮依然黑未休
一何蒲柳不零秋
重吟自覺詩篇誕

十五年前說白頭

壬午答蘊生詩卽有白頭吾未協之語

新霽寄題江亭遣興

踏雨踏作泥流水
流成溪紛溶四五月
雜花滿汀隄碧
玉芙蓉幹丹彩芍藥枝
亭亭信皎潔不受塵埃滋
璧月出雲端澹漾春相宜
芳華舊時隔榮落非盛衰
幽賞凌

東隱堂詩集 卷四十一 六
太虛飄飄逐虹霓室懷領虛白衣念結素緇江波有去
流日落仍還期顧此多年景晤言積於茲寫向垂楊岸
因風東復西

湖干花事久稀有謂東郊芍田成畝就觀花已盡

寂歸途經寶勝寺賞憩樹下而作

尋芳地已遷愛芳情莫展園林闕芳事零露但野泣聞
風趨何之名隱地未顯問津方南循指畦又北轉恍惚
足以疲踟躕面如覩覩顏夫何爲被農誚疎淺是驚彼
所髡非娛子奚踐退返怒豈甘進行慕猶緬屆花枝已
空問花就夷翦豁悟如發蒙住惑良不免逡巡喻禪悅

還歷信所遣旃林綠參天樹年比刹遠有鶴皆去來何
雲不舒卷收榆翻不惡宿桑亦云善遇物咸可游壺邱
倘能辨猶將昔繁華席茵再三闡

丁酉五日湖上觀競渡歌

去年此日傷儔侶眼看競渡歌聲阻午來將去弔靈均
曉起先聞喪官府桃花庵內趁起入宛爾鬢眉舊樽俎
東園還憶三月三北郭難禁五月五今年又趁此期來
已覺前塵隔今古歡然入隊趨水嬉指畫龍吟教龍舞
初聞四船奪錦標及至但見三舟聚須臾撥近又減除
云是烏龍與羣迂翻然掉轉出外河去入他綱別爲伍

夢陽堂詩集卷四十六
卽今環繞震西東賸得雙龍半金鼓將兒見獵聊爲樂
擲出金錢買飛鷁縱橫鱗鬣相對騰頃刻雲搖浪吞吐
百盪百決無點差兩兩顛昂尾交股舒鳧入水水亂流
舟子乘流作標取斯時岸旁萬輩觀曉毛如沙那能數
湖光冷落雖幾時到此豐亨象堪覩蜂高蟻下勢若狂
樹上城頭雜諧侮百工不少游民多何故拋磚打如雨
却憶豪華往昔遊笙歌接着長絲縷向晚明燈映彩旗
屈平柳毅皆環堵而今欲飲無酒帘日落人稀各歸去
從來商賈亦關生安得如前富多戶人事遷移不在遙
目前臯壤青蓮宇觸我年時載酒堂度度低徊與僧講

節錄丙申中秋日書載酒堂事一則

去年十二月十九東坡生日李蘭卿觀察招集三公
祠之載酒堂子以事未往而觀察索詩如故以向例
凡未赴其約者仍必欲得詩詩畢集而後刻每一會
輒刻一冊間有三五日衆詩俱集者不過旬日卽刊
傳視矣當彼時也賓主歡聯觥籌錯落湖山曠視魚
鳥看吟意謂此會縱不三年亦須兩載其以兩載相
期者則以蘭卿分合遷除未應久轍不則測期猶未
艾耳每值一會蘭卿促詩甚急惟坡壽以逼除故詩
浸遲歲內率多未就然以往例計度大約不過正月

詩必集斷未有於此次既舉後而料詩終不集者乃
程廉訪靜軒忽以人日病沒會中去一人卽少一詩
旋於正月下旬李觀察有奉遷山東都轉之命會
之倡率者將去卽此後將無詩然坡壽之詩計不過
少靜軒一人其餘無異也卽蘭卿去後計不過又在
山左泛明湖望嶽而賦詩吾鄉曩會之人無異也而
其時坡壽之詩以靜軒沒故多懈作子詩至二月盡
尙未成三月三日蘭卿邀集東園以修禊新題促坡
壽陳事子乃先作修禊聊自塞責而坡壽仍未作四
月某日靜軒出葬預日弔其家遇蘭卿時丁郎中小

研在坐亦尙未作坡壽詩者而蘭卿促子與丁詩甚
切蘭卿去子與丁約至遲必於五月前半與之以佐
其刻成而六月赴山左任也會至五月子方以浹日
自限不更延端午日夙興忽聞有傳語蘭卿病沒者
斥而拒之以子知蘭卿前一日猶見客俄而傳者疊
至知其信然則大異而歎前此之度其遷除而去待
其赴山左而去者皆非蘭卿之去實爲如是之大去
也是日子以端午節故攜子遊桃花庵望三公祠淒
然不能入湖山如故魚鳥依然賓主唱酬之歡不可
復得矣

登金山寺感舊

法雲迎塔繞連身花雨臨窗散有神晚磬不勝風度鳥
春帆無數水流人參開彈指新生諦望斷回頭遠去塵
還憶昔時登眺作那堪吟到佛都陳

自二載前與借庵問樵師弟相見於建隆寺後未
復見今聞問樵復來主寺講席詩以寄之

三載偶不見浮泡僧更多死生兼去住顛倒亂銷磨瓶
鉢身原在津梁路幾過欲飛他處錫無奈舊緣何

城南送客

依楊柳津長望屬芳辰細雨斟春酒寒花拂故人江

連枕席遠雲逐管絃新此去相思曲吹來入弄頻

坐久

遲回亦不盡於物澹因依春鳥無心唳白雲隨處飛靜
居常動適顯露卽潛微樹杪垂垂上相深與夕暉

小暑後三日招集孟瞻楚楨蘊生熙載西御句生
諸君時尚未至卽興先成此作

離情鎮合與銷磨尙憶諸君二月過楊柳碧連春嫩遠
芝蘭芳入夏涼多雨中茅屋千秋勝風裏瑤琴百度和
記取北窗纔臥起見尋無奈幾裘何

避暑夜宿園中

年年六月浣花樓夜夜三更對石頭小住隔離渾似客
若還居室每當秋伴孤屢感奚童換破曉頻驚鳥雀流
多事此間留幾夢却教蝴蝶亂遨遊

宿園中又作

獨臥如遊渺夕晨滿庭花月曩時春多年老樹還窺我
五夜疎蟬欲喚人樓閣舊題空裏字岫巒新對缺邊塵
誰憐此榻棲鴻爪消受炎天又一輪

暑窗卽興有懷二載前與蘊生納涼東齋

穿篁來北牖曲折隱巖西鳥近知人遠蟬高覺樹低斷
霞紅不定芳草碧難齊却憶同居客遙分隔故蹊

丁酉七夕

又是庭前欲語時含情脉脉有誰知怕逢七夕雲偏好
懷到三秋露已遲高閣漸涼還遠望明河雖靜却低垂
年來烏鵲看星宿更見天孫幾髣絲

春遊

偃息無停薄浮雲虛中人逍遙楊柳暮躑躅椅桐春明
月樽中影丹霞戶外神遠懷深欲瞰近節淺含嘖角里
誰家里平津幾處津薄言涯淡者於以契芳辰笛韻何
寥澗花枝一故陳道途紆几席時序渺絲緝寂寂爲掩
藻閑閑非伏身化工同補綴能事各彌綸飛鳥日之夕

遊魚天又晨百川迎汎濫千籟接吟呻目轉常依郭腸迴不離輪尙憐逢意氣相賞穀皮巾

七月十一日且齋作

已成秋柳復秋花乍覺秋容澹亦華綠到深沈難着水紅來細碎欲分霞無聲白日鶯兒澀有思西風燕子斜若箇年年江上望一番吟色又蒹葭

潘小江館於通州六月初忽聞其病沒中旬又聞

汪竹海沒於京師既而喜皆不實今小江來自

言告存追感成作

十日虛傳兩死亡底令中表恰潘汪無端過耳言三至

逐度驚心淚幾行作宦爲賓俱草草喜生憐故劇茫茫

卅年前憶相親處灘水秋風夢短長在粵時與竹海竹素昆仲暨小江尊

人聚洽時小江甫生石甫旋沒今竹素亦久逝

孟慈見過示以尊公容甫先生遺詩一卷爲題此

作

徒行汪子來何事積渟深深雨中至知君鄉者不徒行一見先徵病體清入門再拜將詩帙云是先人手遺澤屬子論定予豈知譬若求航到山客君家先子才如風探珠直入驪珠宮生平有學無不妙下視俗習如飛蟲江南庾信空哀艷別恨文通渺難見傷心一集可憐人

斷落殘歌留幾卷君也鳳毛千里駒嶄然二十登賢書
方之歆固無不如力承營菴爲通儒雨罷低徊送君去
迫促挑燈誦詩句中宵演漾不成眠怪殺琴聲在何處
白露前一夕枕上
月影隨風罅隙來桂芳連入向窗回香如無有還如有
花是將開不是開秋氣與人相蕩漾夜心和樹幾徘徊
蛩聲底處宵宵聽繞定殘燈草一堆

秋思

秋色渾無際秋心此一時芙蓉流水葉楊柳夕陽枝飛
鳥連雲過遊蜂逐露移十株花併發消息桂芳遲

前後園凡

十
村

惆悵吟

惆悵復惆悵惆悵當奈何我已輟絃兮久不歌惆悵忽
復來相於恐蹉跎歌成惆悵兮忽復多

百事亦惆悵一事亦惆悵我不知惆悵兮成何形時時
挂在睫毛上一惆一轉一回望

流水日夜流勸君休悵惆昨日不見今日事今日空爲
昨日愁水流兮滔滔惆悵兮空教今日昨日兮山之椒
日暮兮蕭蕭

丁酉九月八日招孟瞻蘊生西御熙載句生集且

齋爲預重陽之會時方以楚楨返安宜爲遍插

茱萸之悵適吳君陶伯文鑄欣然與會因共賦

詩卽懷楚楨

節序情牽往事多風光一展一消磨曩時每爲展七夕中秋重陽之舉

而今鼓作前期興便乞登臨早放歌

文章賓客幾流連季重今來補七賢共向龍山高處望

不知公幹在何巔

人花兩預各風流時池上桃花放數枝巧借三春作九秋若對天

桃開口笑一枝先插孟嘉頭

一劉郎去不題糕尙有劉郎座上豪謂孟瞻我自籠中多

藥物底須茱菊滿囊操

焦牲伯之叔自北湖入城過飲坐中繆晴煦自東

臺來郡兼偕裔初伯及曰修東寅卽席成詩

與生三世交兩世已陳跡迤邐村郭遙覲面方此夕乍

接情故綢於何論主客卽今周旋地曩者乃祖席弓裘

遞銷沉邈然雲烟隔名儒今有後揖讓陳手澤小同無

弟昆況茲聯翩翩渾如對故人飲以竹葉碧那能不歡

忻厥誼蓋金石繆生淵然器精采韞菽帛異時未可量

今日但脉脉蘭芬邀共馨明月照殺核崢嶸各年少合

促情正適合嘖老眼看轉瞬離思積

湖上觀梅卽興成歌

今朝剛值是花朝舟人勸我放一冊與梅上下相遊遨
桃花庵梅錦一片深叢點點胭脂絢開窗樹樹迎人面
小金山梅芳繞隄隨行杭逐步相接齊紅欄迤隔花映
低三賢祠梅滿山樹坡陀屈曲縈香霧掩映雲霞四面
顧雲山閣梅卽若離不相聯屬各有姿空庭最耐風來
遲就中古幹亦無數我欲擎將合一處總是山中姑射
仙教他曠世驚相遇

題長笛倚樓圖

歲壬辰表姪堉亢英石以其令祖笛樓先生遺

照屬題時以事未卽作無何而英石病病而沒
無人相促竟蹉跎矣今其子寶齋來索檢出爲
書此句當英石攜冊來時不圖所題爲此句也
感慨係之時丁酉十月
當年長笛倚江樓
擲向烟雲興未休
閉我篋中今六載
一聲吹出又清秋

十月二十日悲賦二首是先大人忌日

昨夜三更三點淚亡親四十四年人恩深事遠飛如電
世濶身衰舞似塵滄海更逢何際角桑榆一落萬重輪
祇今望斷無雲舍賸得當前愴夕晨

年華一轉一回空帶雨催人又晚鴻老去前期身後雪
愁來往劫夢中風燭如未燼猶堪翦冰到無聲已罷融
罔極極天終底極終天彌暫不能終

宣城張氏有隙地鮑約亭就築亭館名之曰誰園
來者極道其勝賦寄約亭並貽張君

世間百物知爲誰聽君園名猛思惟本來毫末非我有
或且攬藉他人奇他人何奇此園基面山臨流坦而迤
譬如枰局彼所占助成有待張園基君心自具好邱壑
不能土木當空施兩人同力合布置迸出一縷風中絲
風中之絲自猶夷不知誰繫誰主持自家隱几亦恍惚

旁人看竹都然疑敬亭之山謝家詩而今山色君得之
琴仙溪水又何處君今更往看魚嬉人間有美信難獨
相忘詎若空藩籬傳聞結構盛如許乃者一瞥公無私
池臺自引花木度蜂來蝶往何人司我欲從遊近三載
滄波遠隔情迷離迷離烟水又風月此登彼矚遙相怡
從來蓬嶠偶然值有何高據談雄辭遠人長望復起舞
爲君走筆心交馳

鴻影

滿天鴻影欲消磨爲逐浮雲到處多飛舞百蹤渠自好
謳吟一曲我如何道心入夜空岑寂世味當春亦暖

踏遍寒林身似葉幾聲明月又經過

寒吟

壯懷風裏落與葉共摧開老亦吹將去愁偏掃得來看
雲疑有鴈觀樹不知梅坐覺心神減寒吟費底猜

著書竹齋感作時十二月朔日

著書須賸幾時身無奈光陰冬復春病已七年難得艾

久病腸澀
邇日滋劇

兒方八歲未成人當風憶去常千里逐日銷
將又一輪每向寒天驚落葉邇來翻覺不關神

得孟慈書夜深取覆視之成詩寄答

入秋以來屢得孟慈手札大抵屬多寄詩集且

有高麗使者求索每謂價重殊域足以張吾廣
陵又切切于二劉二王一梅一吳之學詣境遇
謂孟瞻楚楨西御句生蘊生熙載也昨又以蘊
生將赴山左謂予不可無詩而前此君在家集
子園中亦不可無圖有百年易過一圖可傳之
語因告以近日在都與諸公聯跡有檢書圖及
九日聽琴江亭展禊宣南講學慈仁講易等圖
每寄一篇情致懇款合乎古者朋友講習之風
而頃者西御將有臺灣之行則君尙未知也挑
燈欲答寒風禁人呵硯微吟輾成多句遂以寄

之云爾

朝朝放眼如雲烟懷君日下天涯邊天涯尺素屢馳到
展開似覺君來前微名遠荷關心極每說雞林要詩帙
我將何事比樂天却笑陬隅太牽率幾回兀坐思生平
此身何者爲重輕便是尋常世相許已非一切吾能成
田間屈指年年老縱遊那敵長安好自愧無緣不久居
羨君錦幅堆顛倒邇來秉燭事著書將詩擲過蓬員壺
策鼇仙人倘拾得付與東國連疇圖張軍爾愛誇鄉里
數遍蓂園六君子消息梅王遠奮飛泰山滄海爭迎彼
君將百年視等閒欲教陳迹留人間一縑豈必定持久

何況畫手無荆關有思難得盡摠發四更口哦代書札
若使高驪更索詩寄渠繭紙來多刷

課眠辭

子自少至今夜必四鼓而後寢或將寢而得句
必足成之非以爲課寫胸臆耳曩者有作別冠
以題今老矣以詩酬夜以夜繫情其偶作者遂
復無意設題但曰課眠而已後有如此將以沿
之

歲暮兮嘉平夜深兮四更歲旣暮兮夜復深我坐不眠
兮將吟此情此情何能吟望歲歲已去問夜夜欲明夜

夢隱堂詩集卷四十一
若明兮歲更行况我頭上兮白髮盈盈舊歲別我而去
新歲與我而相迎今夜感我以緹明夜不感而又羸春
之來兮歲之呈鴻之歸兮夜之聲夜之聲兮鴻猶在天
今夜何夜兮我將眠今歲來歲兮思年年白髮何傷兮
我安然

丁酉除夕感慶兒春病幸安是爲一年之慶

換符羸得興沖融尙憶春濤涉險中若使當前無稚子
豈能獨在有衰翁雲晴半夜星回轉爆響千家燭貫通
正喜盈虛消息見泰來今及謝神功

書